


字 131.34

8549.1

部-109





說文解字第十三

義證弟四十二

曲阜桂馥學



一名蝮博三寸首大如擘指象其臥形物之微細或

行或毛或羸或介或鱗以虫為象凡虫之屬皆從虫

許偉切

本書它虫也

通作虺爾雅虺牀牀郭注蛇牀本草蛇牀子一

名虺牀子吳語為虺弗摧為蛇將若何韋注虺小蛇大也通

鑑高道穆說爾朱榮曰此所謂養虺成蛇又通作虺顏氏

家訓勉學篇吾初讀莊子虺二首韓非子曰虫有虺者一身

兩口爭食相齧遂相殺也茫然不識此字何音逢人輒問了

無知者後見古今字譜此亦古之虺字積年凝滯豁然霧解

又通作蝮廣

韻土蝮毒蟲

一名蝮博三寸首大如擘指者諸書所引竝無指字通作

虺釋魚蝮虺博三寸首大如擘郭注身廣三寸頭大如人

孽指此自一種蛇名爲蝮虺釋文作蝮虫云此蛇色如綬
鼻上有針大者百餘斤又一名反鼻鼻一孔虫卽虺字也
說文云虫一名蝮博三寸首大如孽字林同舍人亦云蝮
一名虺案蝮大蛇也非虺之類故郭云別自一種蛇名蝮
虺本今作虺博廣也謂身廣三寸孫云頭如拇指郭注三
蒼云孽大指也案手足大指俱名孽也漢書田儉傳蝮蠱
手則斬手蠱足則斬足何者爲害於身也顏注云爾雅及
說文皆以爲蝮卽虺也博三寸首大如孽而郭璞云各自
一種蛇其蝮蛇細頸大頭焦尾色如綬文間有毛似猪
鬣鼻上有針大者長七八尺一名反鼻非虺之類也以今
俗名證之郭說得矣虺若土色所在有之俗呼土虺其蝮
惟出南方史記正義按蝮毒蛇長二三丈嶺南北有之虺
長一二尺頭腹皆匾說文云虺博三寸首大如孽孽手大
指也物之微細或行或毛或羸或介或鱗以虫爲象者
爾雅釋文引作或行或飛玉篇虫物之微細或飛行或毛
甲皆以象之集韻韻會引作或羽或毛李陽冰曰虫蟲裸
毛羽鱗介之總稱周禮大司徒所稱動物曰毛鱗羽介羸
大司徒樂亦云致羽物致羸物致鱗物致毛物致介物注云
羽物既飛又走月令孟春之月其蟲鱗孟夏之月其蟲羽
中央土其蟲倮孟秋之月其蟲毛孟冬之月其蟲介管子

春爨以羽獸之火夏爨以毛獸之火秋爨以介蟲之火冬
爨以鱗蟲之火中央爨以倮蟲之火子華子鱗蟲三百有
六十震宮蒼龍爲之長羽蟲三百有六十離宮朱鳥爲之
長毛蟲三百有六十兌宮麒麟爲之長介蟲三百有六十
坎宮伏龜爲之長倮蟲三百有六十盈宇宙之閒人爲之
長呂氏春秋觀表篇毛羽倮麟未嘗息也注云毛蟲虎狼
之屬也羽蟲鳳皇鴻鵠鶴鴛之屬也倮蟲麒麟麋鹿牛羊
之屬也蹄角裸見皆爲倮蟲鱗蟲蛇鱗之屬大戴禮曾子
天圓篇毛蟲毛而後生羽蟲羽而後生毛羽之蟲陽氣之
所生也介蟲介而後生鱗蟲鱗而後生介鱗之蟲陰氣之
所生也毛蟲之精者曰龍石氏星經東方青帝其精蒼龍司
日龜鱗蟲之精者曰龍石氏星經東方青帝其精蒼龍司
鱗蟲三百六十北方黑帝其精元武司介蟲三百六十西
方白帝其精白虎司毛蟲三百六十南方赤帝其精朱鳥
司羽蟲三百六十中宮黃帝其精黃龍司倮蟲三百六十

蝮 虫也從虫夏聲切

虫也者爾雅釋文引舍人云蝮一名虺廣志蝮蛇與土色
相亂長三四尺其中人以身操之裁斷皮出血則身盡痛

九竅流血而夙馥案孫炎所謂有身最毒者是也陳藏器云蝮蛇形短鼻反錦文亦有與地同色者著足斷足著于斷手不爾合身糜潰馥案與地同色者即本書之虫名為土虫郭注爾雅言此自一種蛇名為蝮虺釋文案蝮大蛇也非虺之類故郭云別自一種蛇名為蝮虺郭氏音義別載一種蛇云細頸大頭色如綬文文間有毛似豬鬣鼻上有針大者長七八尺一名反鼻此則釋文所謂大蛇也郭恐人誤為一物故兩疏之通作蝠後漢書崔琦傳蝠蛇其心注以為蝠蝠非是

騰

神蛇也從虫朕聲徒登切

神蛇也者字林同釋魚騰騰蛇郭注龍類也能興雲霧而遊其中中山經柴桑之山多飛蛇郭注即騰蛇乘霧而飛者通作騰文子騰蛇無足而飛星經騰蛇二十星在室北荀子勸學篇騰蛇無足而飛星經騰蛇二十二星在室北近河主蟲蛇淮南覽冥訓前白螭後奔蛇高注奔蛇騰蛇許注奔蛇馳蛇是也或曰淮南人呼此蛇為蟒蟻義亦通覆謂即九懷騰蛇兮後從也說林訓騰蛇游霧而殆於螂蛆高注螂蛆蟋蟀上蛇蛇不敢動史記龜策傳作即且集

大蛇

可食從虫夨聲人占切

解云即且似蝗大腹食蛇腦司馬相如傳騰遠射干索隱司馬彪云騰遠蛇也說苑騰蛇遊於霧露乘於風雨而行非千里不止然則暮託宿於鱸鱸之穴所以然者何也用騰便於神龍郭璞贊騰蛇配龍因霧而躍雖欲登天雲罷陸莫材非所任難以久託宋書建平王傳騰蛇嘗躍而沈雲鬱冥劉氏新論託附篇騰蛇附於春霧志希凌霄之游類感篇騰蛇雄鳴於上風雌鳴於下風而化成形

唐注本草蚌蛇其形似鱧魚頭若鼉頭尾圓無鱗異物志蚌蛇食鹿出骨與巴蛇同郭注大荒南經今南山蚌蛇吞鹿北戶錄蚌蛇大者長十餘丈圍可七八尺多在樹上候麋鹿過者吸而吞之至鹿銷即纏大樹上出其頭角乃不復動夷人伺之以竹籤籤殺之取其膽也晉中興書顏含嫂病困得蚌蛇膽為藥即愈南齊書虞愿傳出為晉平太守郡舊出髯蛇膽可為藥有餉愿者愿不忍殺放三十里外元和郡縣志福州貢蚌蛇膽新唐書地理志南海郡貢蚌膽蛇

大蛇者字林同玉篇蚺大蛇也陶注本草蚺蛇出晉安大者三二圍嶺表錄異蚺蛇大者長五六丈圍四五尺次者亦不下三四丈圍亦稱是身有斑文如故錦續寰宇記蚺蛇長十丈以婦人衣投之則蟠身長六七寸碎不祥可食者字林同玉篇蚺肉可以食唐注本草蚺蛇今出桂廣已南高賀等州亦有將肉為膾以為珍味難死似鼉稍截食之字或作翼淮南精神訓越人得翼蛇以為上肴高注翼蛇大蛇也其長數丈俗以為上肴字又作髯水經注葉榆水云交州山多大蛇名曰髯蛇長十丈圍七八尺常在樹上伺鹿獸過便低頭繞之有頃鹿死先濡令溼訖便吞頭至尾殺而食之以為珍異故楊氏南裔異物志曰髯惟大蛇既洪且長采色駁犛其文錦章倉豕吞鹿腴成眷創賓享嘉宴是豆是觴言其眷創之時肪腴甚肥搏之以婦人衣投之則蟠而不起走便可得也

蟻也從虫堇聲

蟻也者廣韻蟻蚺蚺也本草蚺蚺一名曲蟻一名土龍爾雅謂之蟻蚺巴人謂之胸臆釋蟲蟻蚺堅蠶郭注即蜚蟻

也江東呼寒蚺漢書賈誼傳注蟻今之蟻蟻也顏注蟻與蚺同易通卦驗芒種蚺蚺出大戴禮易本命篇倉土者無心而不息盧辯云蚺蚺之屬

側行者從虫寅聲

五音集韻蚺蚺也吳楚呼為寒蟻孟子夫蚺上倉槁壤下飲黃泉趙注蚺蚺之蟲也荀子勸學篇蟻無爪牙之利筋骨之彊上倉埃土下飲黃泉用心一也注云蟻與蚺同蚺蚺也孝經援神契蟻無倉無勢故無心史記封禪書黃龍地蟻見集解引韋昭曰蟻邱蟻也又賈生傳夫豈從蟻與蟻蟻集解引韋昭曰蟻邱蟻也郭璞贊蚺蚺土精無心之蟲交不以分淫於阜螽觸而感物無乃常雄宋玉鈞賦善釣者其餌非蟻也月令孟夏之月蚺蚺出仲冬之月蚺蚺結正義引蔡邕章句結猶屈也周書時訓解蚺蚺不出嬖奪后尚書大傳時則有華髮注云華當為夸夸蚺蟲之生於土而游於土者

側行者者玉篇蟻蟻仄行即寒蚺也馥案考工記注以為卻行六書故蚺蚺土中無足羸蟲也側行蟻蟻故謂胸臆

又謂曲蟻蛭胸曲同聲馥案漢志巴郡胸忍縣顏注胸音
劬曹全碑亦作胸徐鉉新附字云胸認蟲名從肉旬聲如
順切後漢書吳漢傳亦作胸認注引十三州志胸音春其
地下溼多胸認蟲因以名縣此皆音隨字變不如戴氏得
也其實

𧈧 蟻或從引

或從引者寅引聲相近釋名引
演也漢書律歷志引達於寅

𧈩 蟲在牛馬皮者從虫翁聲鳥紅切

蟲在牛馬皮者者爾雅釋文引字林無馬字玉篇蟪
蟪牛馬皮中蟲也廣韻蟪蟪小蟲生牛馬皮中也

𧈪 蟪蟪也從虫從聲子紅切

蟪蟪也者爾雅釋文
引字林蟪蟪似蟪

𧈫 知聲蟲也從虫鄉聲許兩切

知聲蟲也者玉篇蟪禹蟲也洪武正韻蟪禹蟲知聲者蟲
異賦注蟪知聲蟲也能令人不迷類從云帶蟪醒迷 鄉
聲者韻會云
蟪從響省

𧈬 司馬相如響從向

司馬相如者如下脫說字
從向者響令人不迷故從向

𧈭 蟲也從虫召聲都僚切

蟲也者廣韻蛸
螭茹中小蟲

𧈮 蟲也從虫敷聲祖外切

繭蟲也從虫甬聲余隴切

廣志凡草木蟲以蛹化為蛾荀
子蠶賦蛹以為母蛾以為父

繭蟲也者玉篇蛹老蠶也廣韻蛹蠶化為之埤雅蛹者蠶
之所化蚤者蛹之所化淮南繆稱訓小人在上位如寢關

曝繢不得須臾寧高注繢繢也曝繢繢動搖不休成乃止也四民月令四月繢既入族趨繢剖線具機杼敬經絡是月也可作棄蛹以御賓客通作踊古文苑短人賦繢中踊兮蠶蠕須注云踊今作蛹

𧈧

蛹也從虫鬼聲讀若潰

胡罪切

蛹也者集韻蠹蠹蛹也釋蟲蠹蠹郭注蠶蛹孫炎云蠹卽是雄蛹卽是雌顏氏家訓案爾雅諸書蠶蛹名蠹異賦注蠹蛾蛹所化也博物志曰倉桑者有緒而蛾蠹先孕而後交集韻原蠶其蛹蛭蛭玉篇蛭蛭也廣韻蛭蛭也通作虺廣韻虺蛭也古今字譜虺與虺同讀若潰者爾雅釋文云字林音潰

𧈩

腹中長蟲也從虫有聲

戶恢切

腹中長蟲也者一切經音義十一引蒼頡訓詁蛹腹中蟲也字或作蛔關尹子我之一身內變蟻蛔外蒸蠶蚤又作蛭玉篇蛭與蛭同廣韻蛭人腹中長蟲本草篇竹煮汁飲小兒療蛭蟲齊書秣陵人張景腹脹面黃徐嗣伯云此石蛭極難療當取死人枕煮飲之依語煮枕以投之得大病并蛭蟲頭堅如石者五升病卽差靈樞經心腸痛懷往來

上下行痛有休止腹熱喜渴涎出者是蛟蛭也

𧈪

腹中短蟲也從虫堯聲

如招切

腹中短蟲也者柳宗元罵尸蟲文修蛭養心短蛭穴胃華氏中藏經蟲有伏蛇白肉肺胃赤弱蛭之九名也史記倉公傳臨菑汜里女子薄吾病甚臣意診其脈曰蛭瘕瘕瘕爲病腹大上膚黃羸循之或感然臣意欲以芫華一撮卽出蛭可數升病已三十日如故病瘕得之於寒溼寒溼氣宛篤不發化爲蟲正義云瘕人腹中短蟲

𧈫

似蛭易而大從虫唯聲

息還切

似蛭易而大者五音集韻雖蟲名似蛭蛭而有文馥案此蟲能致雨禱旱者宜求之

𧈬

虺以注鳴詩曰胡爲虺蛭從虫兀聲

許偉切

書仲虺之誥荀子堯問篇作中虺史記殷本紀作中𧈬聲皆相近

虺以注鳴者玉篇虺戶虺今以注鳴者戶當作戶本草所稱石蛭也山海經鳥首虺尾郭注虺尾銳考工記以注鳴

者注云注味也史記律書西至於注張注張柳張兩星之
間南方朱鳥七宿柳為之味漢書天文志柳為鳥喙是也
詩曰胡為虺蜥者小雅正月文蜥彼作蜴陸璣疏云虺
蜴一名蠖蜥水蜴也或謂之蛇醫如蜥蜴青綠色大如指
形狀可惡正義云如陸意虺蜴與蜥蜴形狀相類水陸異名
目陳啟源曰詩釋文云蜴蜥反字又作蜥詩緝辨之謂
蜥音析蜴音亦陸氏誤以蜴為蜥然說文引詩亦云胡為
虺蜥是古本多有作蜥者意釋文經本元作蜥當云蜥星
歷反字又作蜴後人傳寫據今本為
正遂互易蜥蜴兩字以致音與字違



蜥易也從虫析聲

先擊切

蜥易也者御覽引作蜥易守宮也李燾本蜥易上有蟲名
二字古今注蜥蜴其長細五色者名為蜥易本草石龍子
一名蜥蜴一名山龍子一名守宮一名石蜴生平陽川谷
及荆山石開陶隱居云其類有四種一大形純黃色為蛇
醫次似蛇醫小形長尾見人不動名龍子次有小形而五
色尾青碧可愛名蜥蜴並不螫人一種喜緣籬壁名蜥蜴
形小而黑乃言螫人必死而未常間中人按東方朔云是
非守宮則蜥蜴如此蜥蜴名守宮矣唐本注云此言四種

者蛇師生山谷頭大尾短小青黃或白斑者是蜥蜴似蛇
師不生山谷在人屋壁間荆楚江淮人名蜥蜴河濟之
間名守宮亦名榮蜥又名鬻虎以其常在屋壁故名守宮
亦名壁官其名龍子及五色者並名蜥蜴以五色者為雄
色不備者為雌皆細長尾與身相類似蛇
著四足去足便直蛇形也蛇醫則不然



在壁曰蜥蜴在草曰蜥易從虫匿聲

於珍切

在壁曰蜥蜴在草曰蜥易者李善注解嘲引同一切經音
義二十引作守宮在壁曰蜥蜴在草曰蜥易廣韻引字林
說文字林作易云在壁曰蜥蜴守宮也博物志蜥蜴或名
在草作在洲本書易蜥蜴蜥蜴守宮也博物志蜥蜴或名
蜥蜴方言守宮其在澤中者謂之蜥易顏注漢書楊雄傳
蜥蜴蜥蜴也郭義恭廣志蜥蜴有屋壁間者有草野者石
上者漢書東方朔傳臣以為龍又無角謂之為蛇又有足
跛跛脈脈善緣壁是非守宮即蜥蜴一切經音義六守宮
此在壁者江南名蜥蜴山東謂之蜥蜴以西南名為壁官
在草者曰蜥蜴曹叔雅異物志魚跳躍則蜥易從草中下
稍相依近便其浮水上而相合事竟魚還水底蜥還草中
馥案此蟲見鬻各不動少傾鬻成而空蓋以氣制之故名

蟲也者玉篇蠶食瓜蟲釋蠶蠶與父守瓜郭注今瓜中黃
甲小蟲喜食瓜葉故名守瓜莊子至樂篇晉芮生乎腐蠶
釋文云司馬云蠶亦蟲名也爾雅云一名守瓜一云蚡鼠
也 讀若蜀都布名者本書蠶讀若蜀郡布名案楊雄蜀
都賦筒中黃潤一端
數金言讀若潤也

莫經

蟲食穀葉者吏冥冥犯法即生螟從虫冥聲又螟蛉

切

陸幾詩疏螟似好蚡而頭不赤 月令仲春行夏令蟲螟
為害 尚書大傳時則有保蟲之變鄭注蠶螟蟲之類
蟲食穀葉者藝文類聚引作蟲食穀心者集韻菑螟食
苗心成也春秋隱五年螟杜注螟蟲食苗心者為災故書
正義云釋蟲云食苗心螟舍人曰食苗心者名螟言冥冥
然難知也李巡曰食禾心為螟言其姦冥冥難知也陸璣
疏云舊說螟螟蝻賊一種蟲也如言寇賊姦究內外言之
耳故健為文學曰此四種蟲皆蝗也定不同故分別釋之
然則螟非以虫名以食苗之處為名耳呂氏春秋仲春紀
蟲螟為害高注蟲食稼心謂之螟仲冬紀行春令則蟲螟

為敗高注食穀心曰螟明理篇有螟集其國高注食心為
螟漢書武帝紀五年八月螟顏注食苗心之蟲也楚元王
傳水旱饑喙蝻蝻螟蝻午竝起顏注螟蝻之食苗心者也詩
詁螟食苗心者今禾始發有蟲生苗心中如蠶而細仍能
吐絲包纏其心使不生穗爾雅翼今食苗心者乃無足小
青蟲既食其葉又以絲纏集眾葉使穗不得展江東謂之
蠶蟲漢孔臧蓼蟲賦曰爰有蠶蟲厥狀似螟是螟為無足
蟲也程君瑤田曰爾雅螟食心賊食節心節之義殊異心
言莖之末生穗處節言莖之中閒生葉處也心正其生意
所聚凡草未華時莖末生無數碎葉其滋長也在是其作
華也亦在是所謂心也 吏冥冥犯法即生螟者螟冥聲
相近孫炎說爾雅云政食所致春秋隱五年螟何休云先
是隱公張百金之魚設苛令急法以禁民之所致春秋漢
含孽螟應苛剋類聚引呂氏春秋亂國之妖有螟集其地
淮南天文訓枉法令則多蟲螟高注蟲食苗心曰螟京号
易傳臣安祿位茲謂貪厥災蟲食根德無常茲謂煩蟲食
葉不紉無德蟲食本與東作爭茲謂不時蟲食莖變惡生
孽蟲食心易林上政搖擾蟲螟竝起害我嘉穀季歲无稷
又云苛政日作螟食華葉割下啖上民被其賊秋無所得
漢書五行志棄正作淫茲謂惑厥風溫螟蟲起又云嚴公

六年秋螟董仲舒劉向以為先是衛侯胡出奔齊齊侯會諸侯納朔許諸侯賂齊人歸衛寶魯受之貪利應也漢郎中審忠上疏曰州牧郡守承順風旨辟召選舉賢取愚故蟲蝗為之生夷寇為之起論衡順鼓篇月令之家蟲倉穀稼取蟲所類類象之吏咎擊辱以滅其變商蟲篇變復之家謂蟲倉穀者部吏所致也貪則侵漁故蟲倉穀身黑頭赤則謂武官頭黑身赤則謂文官使加罰於蟲所象類之吏則蟲滅息不復見矣後漢書明帝紀政失於上人受其咎有司其勉順時氣勸督農桑去其螟蟻以及蝥賊晉書五行志永寧元年七月梁益涼三州螟是時齊問執政貪苛之應也新唐書狄仁傑傳政不行則害氣作害氣作則蟲螟生卑雅靈芝朱草秬之鍾其美與螟蟻之鍾其惡雖不同其繫王者之政十也淮南子曰枉法令即多蟲螟其以此乎馥案京房災異對君賢臣職五穀豐滋馬援為武陵太守飛螟赴海後漢書魯恭傳建初七年郡國螟傷稼犬豕緣界不入中牟濟北先賢傳弘農有螟蟲太守請以身禱雨下滂沱此皆德政之應也又螟蛉者張次立本無此文蛉當為蠅蠅桑蟲也

蟲

蟲倉苗葉者吏乞貸則生蠚從虫從貸貸亦聲詩曰

去其螟蟻 徒得切

卑雅引作蟻 詩釋文騰說文作蟻 左傳正義引爾雅作蟻 五經文字蟻音特 唐公房碑去其螟蟻 孫叔敖碑野無螟 賦釋釋云以佃為蟻 王氏字說蟻倉苗葉無傷於實若蟻可貢也 玉篇蟻譌為蟻大戴禮萬變不亂貸之則喪荀子作貢亦譌作貳諸書貢多通作貸孟子又稱貸而益之當為貢月令無或差貸呂氏春秋作貳貳與貢古字通易四時不忒京房作貢書行武史記作貢 左傳糾遯王慝漢張表碑作糾剔荷忒隸釋云忒即貳字 五經文字貨相承或借為貢字 凡從朕者變為代 騰或作黛是也 騰又因蟻而變

蟲倉苗葉者爾雅釋文引作蟲倉草葉者案本書蟲亦云蟲倉草根者廣韻蟻倉禾葉蟲釋蟲倉葉蟻釋文作武云字又作蟻廣韻或倉禾葉蟲蟻上同方言言蟻宋魏之閒謂之蝻南楚之外謂之蠅或謂之蠅或謂之蝻或謂之蝻郭注蟻即蝗也 蝻音代蟻音近詐亦呼吐 啗馥案蝻貸當為貳貢蠅蟻即蚱蜢廣雅蠅蟻蝻也 蝻亦當為貳字或作騰商子螟騰春生秋死而民失食呂氏春秋仲夏紀百騰時起注云百騰動股之屬也 騰讀近殆兗州人謂蝗為騰不屈篇

蝗螟農夫得而殺之奚故為其害稼也高注蝗蝻也倉心
 曰螟倉葉曰騰今兗州謂蝗為騰漢書五行志溫臭主蟲
 故有蠃蟲之孽謂螟騰之類顏注螟倉苗心騰倉苗葉之
 蟲也呂氏春秋任地篇又無螟蝻注云蝻或作騰倉心曰
 螟倉葉曰蝻兗州謂蝻為騰音相近也春秋莊十八年有
 蝻沙隨春秋例目云有蝻或考隸古春秋作蝻蝻音特
 吏乞貸則生蝻者趙宦光曰乞貸當用貢馥謂貢蝻聲相
 近諸書通用貸字惠棟曰吏乞貸者周書所謂奸吏乞貸
 也鹽鐵論疾貧篇繇吏相遣官庭攝追小計權吏行施乞
 貸長吏侵漁土府下求之縣縣求之鄉鄉安取之哉又執
 務篇上不苛擾下不煩勞各修其業安其性則螟蝻不生
 而水旱不起吏不奉法以存撫倍公私任各以其權充其
 嗜欲人愁苦而怨思上不恤理則惡政行而邪氣作邪氣
 作則螟蝻生而水旱起詩大田箋云此四蟲者恒害我田
 中之穉禾故明君以正己而去之漢書五行志桓公五年
 秋蝻劉歆以為貪虐取民則蝻介蟲之孽也 貸亦聲者
 當為貢聲 詩曰去其螟蝻者小雅大田文彼作
 騰傳云倉心曰螟倉葉曰騰陸璣疏云騰蝗也



蝻子也 一曰齊謂蝻曰蝻從虫幾聲 居狶切

蝻子也者集韻類篇並引作蝻之子淮南說林訓湯沐具
 而蝻蝻相弔漢書嚴安傳介胄生蝻蝻 一曰齊謂蝻曰
 蝻者玉篇蝻水蝻字林蝻齊人名蝻也釋魚蝻蝻郭注今
 江東呼水中蝻蟲入人肉者為蝻爾雅翼爾雅蝻蝻其讀
 如祈今人呼水蝻大者呼馬蝻亦呼馬蝻即古語蝻也
 六書故水中蝻動如血片攻倉馬牛血著其肉中斷之
 寸寸皆能輓動牛馬飲水吞之則孕育其腸胃中故用為
 破血藥草中石中泥中亦有之爾雅曰蝻蝻說文曰齊謂
 蝻曰蝻按今人亦謂之馬蝻本草作
 馬蝻蝻亦作蝻蝻蝻蝻蝻聲相近



蝻也從虫至聲 之日切

裴頡崇有論蝻以空中而生 博物志水蝻三斷而成三物
 賈誼書楚惠王倉寒菹而得蝻遂吞之是夕也惠王之後
 而蝻出其久病心腹之積皆
 愈 寰宇記蔡州貢水蝻

蝻也者釋魚文一切經音義十一蝻謂入人皮中倉血者
 也江東名蝻漢書賈誼傳夫豈從蝦與蝻蝻服虔云蝻水
 蟲本草水蝻一名蝻圖經云今近處河池中多有之一名
 蝻此有數種生水中者名水蝻亦名馬蝻著人及牛馬腦

脛閒齧啞其血甚者入肉中產育為害益大水蛭有長尺者論衡商蟲篇下地之釋其蟲曰蛭蛭食人足

蛭

蛭至掌也從虫丞聲

耳由切

蛭至掌也者釋蟲文李燾本無至掌二字本書初刻亦無後復加之廣韻蛭蛭蛭爾雅釋文蛭本草謂之水蛭一名蚊一名至掌案說文今俗呼為馬蟥亦名馬者即楚王會寒菹所得而吞之能去結積也然釋蟲已有蛭蛭至掌依本草即是水蛭也

馥案說文下有脫誤

結

結蛭也從虫吉聲

去吉切

結蛭也者釋蟲蛭蛭蛭郭注木中蠹蟲又蛭桑蠹郭注即蛭蠹論衡商蟲篇桂有蠹桑有蛭曹植藉田論封人有以輕鑿修鉤去樹之蛭者嵇康客難養生論蛭盛則木朽劉勰新論身之有慾如樹之有蛭

蛭

蛭也從虫出聲

區勿切

爾雅作蛭

鱣

白魚也從虫寧聲

余箴切

白魚也者釋蟲文郭注衣書中蟲一名鱣魚廣雅曰魚鱣魚也本草衣魚一名白魚一名鱣生咸陽平澤陶隱居云衣中乃有而不可常得多在書中吳氏本草衣中白魚一名鱣本草衍義衣魚多在故書中久不動帛中或有之不一若故紙中多也身有厚粉手搗之則落亦嚙毳衣其形稍似魚其尾又分二岐唐書馬懷素傳是時文籍盈漫皆食朽蟬斷陸璣詩疏蘭藏衣著書中可辟白魚西陽雜俎壁魚條下云補闕張周封言嘗見壁上白瓜子化為白魚因知列子言朽瓜為魚之義

蛭

丁蛭負勞也從虫至聲

戶經切

丁蛭負勞也者丁蛭二字疑後人所加釋蟲莫辨蟪蛄蛭蛭負勞郭注以蟪為蟪蛄云孫叔然以方言說此義亦不了案方言蟪蛄謂之蟪或謂之蛭是孫氏以蛭屬蟪蛄從方言也郭氏始以蛭屬下許氏漢人無此讀也原祇負勞二字後人按郭注爾雅加蛭蛭又因本書無蛭字改為丁玉篇蛭負勞無丁蛭二字徐鍇韻譜同

毒

毛蠱也從虫角聲乎感切

毛蠱也者釋蟲文郭注即載廣韻蛸有毛之蟲字或作蛤類篇蛤毒蟲名集韻蛤本作蛸馥案此蟲螫人即腐腫故曰毒

毒

蟲也從虫喬聲居天切

音義引呂靖韻集蟻毒蟲也鄭公孫蠱字子蟻

毒

毛蟲也從虫夔聲于志切

毛蟲也者廣韻載毛蟲有毒通志載蟲曰蛸其毛能螫人故爾雅曰蛸毛蠱楚詞九思載緣兮我衣洪注云說文載毛蟲有青螫人郭璞洞林周稚叟封蠶蛾載蟲使璞射之璞曰射覆得此大落度必是蠶蛾及毛蠱陶隱居注本草云蛸斯蛸蟲也蛸亦作或蔥實條下唐本注云胡蔥主惡蠶等毒爾雅釋文引有讀若笥三字御覽引同

毒

黃也從虫圭聲烏焮切

史記律書北至於奎奎者主毒螫殺萬物也徐廣曰奎一作毒

黃也者一切經音義七引同

毒

毒也從虫氏聲巨支切

毒也者一切經音義七引同毒蟲也

毒

毒蟲也象形丑芥切

或作蠱春秋考異郵土勝水故守宮倉蠱宋均曰守宮生於土蠱藏物屬於坎坎水也魏志華佗傳彭城夫人夜之廁蠱螫其手嵇含遇蠱賦序諺云過滿百為蠱所螫斯言信哉唐景龍文館計上巳日上賜侍臣柳捲各一云帶之免蠱毒

毒蟲也者一切經音義十八同又十六引字林蠱行毒蟲也廣雅蠱蠱也通俗文云長尾為蠱短尾為蠱儻二十二

年左傳蠱蠱有毒正義云說文云蠱飛蟲螫人者也蠱毒蟲也通俗文云蠱長尾謂之蠱蠱毒傷人曰蛆張列反字或作蜚昭四年傳已為蠱尾注云謂子產重賦毒害百姓楚詞九思下堂兮見蠱注云蠱土蝨也有螫毒馥案玉篇

作土蝨論衡言毒篇天地之間萬物之性含血之蟲有蝮蛇蜂蠆咸懷毒螫孝經援神契蜂蠆垂芒為其毒在後齊公孫蠆字子尾一切經音義二蠆毒蟲尾有刺也詩都人士卷髮如蠆箋云蠆螫蟲也尾末捷然莊子天運篇其知潛於厲蠆之尾釋文云或云依字上當作蠆下當作蠆



蠆或從蝮

詩都人士箋云或名蠆型或名蝮也馥案蟹廣雅作蠆漢李翊夫人碑飛蠆今害仁良



蝮也從虫酋聲

蝮蝮也者玉篇蝮蝮齋蝮木中蟲也詩頌人頌如蝮蝮傳云蝮蝮蝮也陳啟源曰蝮蝮非蝮蝮也蝮蝮一名蝮爾雅蝮蝮是也身長足短生腐木中穿木如錐至春雨後化為天牛蝮蝮一名蝮爾雅蝮蝮蝮蝮是也生糞土中以背行身短足長如足大指從夏入秋又化為蟬郭氏注爾雅已分為二物陶貞白與蘇恭以為一蟲誤也陳藏器拾遺辨之當矣



蝮也從虫齊聲

列子天瑞篇身足之根為蝮蝮淮南萬畢術黍成蝮蝮祖台志怪盛仲母失明婢取蝮蝮烝食之母甚以為美問之婢服曰實是蝮蝮母目豁然立開

蝮蝮也者釋蟲蝮蝮蝮郭注在糞土中孫炎云謂之蝮蝮本草蝮蝮一名蝮蝮一名星齊一名敦齊生河內平澤及人家積糞草中反行者良陶隱居云大者如足大指以背行乃駛於脚稽聖賦蝮蝮行以其背博物志蝮蝮以背行之卷蠆或謂之蝮蝮梁益之閒謂之蝮或謂之蝮或謂之蝮蝮秦晉之閒謂之蝮或謂之天蝮四方異語而通者也注云案爾雅云蝮天蝮謂蝮蝮蝮蝮而方言以為蝮未詳其



蝮也從虫曷聲

本書邊讀若桑蟲之蝮玉篇蝮桑中蠆蟲也陳藏器本草拾遺木蠆一如蝮蝮節長足短生腐木中穿木如錐刀至

春羽化一名蝎爾雅云蝎蝓注云木蠹也晉語雖蝎諧
焉避之韋注蝎木蠹也諧從中起如蝎會木木不能避也
史記蔡澤傳先生蝎鼻巨肩索隱蝎鼻謂鼻如蝎蟲也
語資執篇梗柵豫章天下之名木精捍直理密緻博通蟲蝎
不能穿水溼不能傷孔臧與子琳書蝎蟲至弱木為之弊
論衡商蟲篇柱有蠹桑有蝎曹植藉田論封人有能以
輕鑿修鉤去樹之蝎者樹得以繁茂劉氏新論防慾篇身
之有慾如樹之有蝎樹抱蝎則還自鑿身抱慾而反自害故
蝎盛則木折
慾熾則身凶

蟪蛄也者釋蟲蟪
蟪蛄郭注在木中



蚘也從虫弘聲

巨良切

蚘也者釋蟲文通志強牛蝨蠅類噉牛馬血釋蟲強醜
拊郭注以脚自摩拊釋文引李巡孫炎云以口拊其翅




彊文強從虫彊



強也從虫斤聲
巨衣切

強也者類篇引
同又云蓋蠅類



葵中蠶也從虫土四象蜀頭形中象其身娟娟詩曰

娟娟者蜀
市玉切

葵中蠶也者廣韻引作葵中蟲也詩釋文引作桑中蟲也
玉篇蜀桑蟲也楚詞九思蠶入兮我懷韓非內儲說蠶似
蛇蠶似蠶人見蛇則驚駭見蠶則毛起然而婦人拾蠶漁
者握蠶利之所在則忘其所惡皆為孟賁淮南說林訓蠶
之與蠶狀相類而愛憎異戴侗曰蜀似蠶色多青墳首睥
目葵藿胡麻踴鴟多產之莊子庚桑楚奔蜂不能化藿蠶
釋文引司馬彪云藿蠶豆藿中小青蟲也廣志藿蠶有五
色者蟲異賦注蜀蟲如指似蠶其色隨葉釋蟲蚘烏蠶郭
注大蟲如指似蠶詩韓奕倬革金厄傳云厄烏蠶也馥案
釋蟲繅繅木不生蠶當作攀攀梟葵也其蠶即此蜀葵
葵亦名蜀葵當因蜀蠶得名楊慎曰注疏中有蜀才姓名
蜀音葵中象其身娟娟者玉篇娟蜀貌考工記廬人刺
兵欲無娟馥案刺兵貴直不貴屈蜀行屈中故曰中象其
身娟娟詩曰娟娟者蜀者幽風東山文彼作蠶傳云娟

蝟蠋貌桑蟲也詩詁蜀本從虫又加虫俗字也爾雅翼葵
中蟲亦食於藿似蠶不會桑詩云桑野者葵藿之下亦桑
野之地也



馬蠋也從虫四益聲象形明堂月令曰腐草為蠋

古玄切

馬蠋也者釋蟲蝦馬蠋郭云馬蠋蚋俗呼馬蠋釋文蚋音
均馬蠋字林云蠋馬馥案所引字林馬下脫一字當是蠋
蠋蠋蚋等字玉篇蠋馬蠋也廣雅馬蠋蠋蚋也又云蠋蠋
馬蠋馬蠋也方言馬蠋北燕謂之蛆蠋其大者謂之馬蠋
本草馬蠋形如蚯蚓紫黑色觸之即側臥如環故又名刀
環本草又云馬陸一名百足一名馬軸生玄菟川谷唐本
注云此蟲大如細筆管長三四寸斑色一如蚋蠋襄陽人
名為馬蠋亦呼馬軸亦名刀環蟲以其夙側臥狀如刀環
也通志馬陸似蜈蚣而小尤多脚不能毒人曰百足曰馬
軸所謂百足之蟲至夙不僵者此也莊子秋水篇夔夔蠋
蠋憐蛇釋文引司馬彪云蠋馬蠋蟲也夔一足蠋多足蛇
無足莊子又云是猶使蚤負山商鉅馳河也釋文司馬云

商鉅蟲名北燕謂之馬蠋淮南兵畧訓故良將之卒若蚋
之足注云蚋馬蠋也博物志馬蠋一名百足中斷則首尾
異行而去家語六本篇馬蠋斬足而復行何也以其輔之
者眾魯仲連子諺云百足之蟲三斷不蠲持之者眾也文
子上德篇若蚋之足眾而不相害淮南汜論訓蚋足眾而
走不若蛇從虫四益聲象形者韻會從虫益聲象
形明堂月令曰腐草為蠋者爾雅釋文引同御覽馬蠋
下引明堂月令呂氏春秋夏季紀腐草化為蠋蚋高注蚋
馬蠋也蚋讀如蹊徑之蹊幽州謂之秦渠一日蠋火也淮
南時則訓夏季之月腐草為蚋注云蚋馬蠋一日蠋火蚋
音谿又注汜論訓云馬蚋一名蠋火廣韻蚋古奚切蠋火
本草綱目蠋有三種一種能飛有光乃茅根所化呂氏月
令腐草為蠋是也一種長如蠶尾後有光無翼乃竹根所
化亦名蠋明堂月令腐草為蠋是也一種水蠋居水中楊
慎曰蠋火有二種有草蠋有水蠋梁蕭和賦云聊披書以
娛性悅草蠋之夜翔此草蠋也唐李子卿水蠋賦云彼何
為而化草此何事而居泉腹可自持故無耿於蟹足能自
運亦自鄰於蚋此水蠋也馥於雲南見草蠋亦有三種小
者身圓長半寸色黃大理有之中者身扁長寸許色黑順
寧有之大者如蠶長寸半色白永昌有之其光竝在尾而

不似馬蠲之多足

齧

齧牛蟲也從虫毘聲

邊兮切

齧牛蟲也者字林同戴何曰扁蟲著牛馬倉其血者也產薦葍之間者差小嗜人膚俗謂薦蝗亦曰芟蟲也玉篇蝗牛蝨也本草牛蝨一名牛蝨一切經音義十

蟻

尺蠖屈申蟲也從虫夔聲

烏郭切

一切經音義九蠖桑蟲也一纂文吳人以步屈名桑闔一名蠖廣雅尺蠖蟻也方言蟻謂之蜈蠖郭注又呼步屈御覽引郭注去尺蠖又呼步屈其色青而細小或在草木葉上今蠖蠃所負以為子者釋蟲蠖尺蠖郭注今蠖蠃一切經音義九引郭注蠖蠃也一名步屈又引舍人曰宋地日尋桑也說苑夫尺蠖倉黃則其身黃倉蒼則其身蒼文選七命尺蠖動而成響

尺蠖屈申蟲也者爾雅翼尺蠖狀如蠶而絕小行則促其腰使首尾相就乃能進步屈中有伸故曰屈申如人以手

蠖

復陶也劉歆說蠖蚍蜉子董仲舒說蝗子也從虫豕

聲與專切

復陶也者釋蟲文彼作蠖陶李巡云蠖陶一名蠖國語蟲舍蚘蠖韋注蠖復陶也可倉北堂書鈔引博物志閩越江北山閒蠻夷噉邱蠖脯劉歆說蠖蚍蜉子者韻會云劉歆以蠖為蚍蜉之有翼者倉穀為災黑青也祭統陸產之醢注云蚘蠖之屬說苑說蠖篇蠖蚍蜉也郭注蝗子未有翅者蝗子也李巡說爾雅云蠖蝗子也郭注蝗子未有翅者漢書五行志董仲舒劉向以為蠖蟻始生春秋宣十五年冬蠖生注云蠖子以冬生遇寒而外故不成蠖何休云蠖即蠖也始生曰蠖大日蠖尚書大傳時則有介蠖之變注云蠖蠃蚍蜉之類蟲生於火而藏於秋者也漢書楚元王

傳水旱饑螻蝻蝻午竝起西京賦蚘蝻蝻盡取五臣注云
傳螻子潛夫論螻蝻蝻莫不氣之所為也後漢書陳忠
傳螻蝗為災沈約齊安陸昭王碑螻蝗弗起

蝻 蝻也從虫婁聲一曰蝻天蝻 洛侯切

蝻蝻也者本書蠹蝻蝻也廣雅蝻蝻蝻也方言蝻蝻謂
之杜蝻蝻謂之蝻蝻或謂之豫蝻蝻南楚謂之杜狗或謂
之蝻蝻楚詞惜誓為蝻蝻之所裁注云蝻蝻蝻也淮南時
則訓孟夏之月蝻蝻鳴注云蝻蝻蝻周書時訓解立夏之
日蝻蝻鳴漢書賈誼傳固將制於蝻蝻顏注蝻蝻蝻也
司馬遷傳與蝻蝻何異顏注蝻蝻蝻也廣志小學篇蝻蝻
會稽謂之蝻蝻一曰蝻天蝻者蝻李燾本作蝻廣韻蝻
胡谷切蝻蝻本書無蝻字傳寫漏畧古今注蝻蝻一名天
蝻一名蝻本草蝻蝻一名蝻蝻一名天蝻一名蝻生東城
平澤釋蟲蝻天蝻郭注蝻蝻也夏小正三月蝻則鳴傳云
蝻秦晉之間或謂之天蝻郭注云未詳

蝻 蝻也從虫古聲 古乎切

蝻 丁蝻也從虫龍聲 盧紅切

丁蝻也者釋蟲文彼作打郭注赤駁蚘蝻玉篇蝻下
云蝻蝻蝻下云蝻蝻也廣韻蝻下云蝻蝻蝻也

蝻 羅也從虫我聲 五何切

羅也者釋蟲文郭注蝻蝻釋草有莪蘿舍人云以聲近為
名蝻謂此蝻羅亦聲近也但此蝻非蝻蝻爾雅釋文蝻魚
綺反本亦作蝻俗作蝻字音同案說文蝻羅也蝻或作義
蝻蝻化飛蝻也並非蝻字蝻案此文自說文以下多誤當
云案說文蝻羅也蝻或作蝻蝻蝻化飛蝻也並非蝻字本
書蝻部蝻為蝻蝻此蝻乃蝻也方言蝻蝻燕謂之蝻蝻學
記蝻子時術之注云蝻蝻蝻也僖十五年左傳蝻析釋文
云本或作蝻音語蝻蝻蝻蝻皆能害人宋庠云蝻音蝻通
作蝻楚詞天問蝻蝻微命力何固弱冠子王鈇論虎狼殺
人烏蒼從上蝻蝻從下聚之海內北經朱蝻其狀如蝻注
云蝻蝻也史記五帝本紀清化鳥獸蝻蝻正義云蝻蝻
蝻也長楊賦扶服蝻伏李善曰蝻古蝻字後漢書皇甫嵩
傳時人謂之黃巾亦名為蝻蝻注云蝻音魚綺反即蝻字
也漢仲秋下旬蝻蝻附隸釋云以蝻為蝻蝻謂我義聲近

詩蓼莪漢碑作儀是也蛾蟻古今字聲隨時變蟻音魚綺切古讀義與我近史記正義蛾音牙直起反此後世之轉音也本書無蟻字其作蟻者一切經音義七蟻一名蚍蜉爾雅釋文引字林北燕人謂蚍蜉曰蟻蟬博物志蟻知將兩廣志有飛蟻有木蟻古曰元駒者也古今注河內人名蟻曰元駒楚詞惜誓為螻蟻之所裁注云蟻蚍蜉也檀弓蟻結於四隅

蚍蜉

蚍蜉也從虫豈聲

魚綺切

蚍蜉也者本書蟻蚍蜉大蟻也囊蚍囊也廣雅蛾蟬玄蚍蚍蟻蟻蟻也釋蟲蚍蜉小者蟻郭注齊人呼蟻為蟬夏小正十有二月玄駒賁傳云玄駒也者蟻也楚詞招魂赤蟻若象王注蟻蚍蜉也小者為蟻大者為蚍蜉也漢書司馬遷傳與螻蟻何異顏注蟻蚍蜉也馥案今齊人呼蟻為蟻蟬

蟻

蟻子也從虫氏聲周禮有蟻醢讀若祁

直尼切

蟻子也者釋蟲蟻蟻大蟻小者蟻其子蟻郭注蟻蟻卵內則蟻醢注云蟻蚍蜉子也祭統陸產之醢鄭注蟻蟻之屬

周禮鼈人祭祀共麤贏蟻注云蟻蟻子夏小正二月抵蟻傳云蟻蟻卵也為祭醢也魯語蟲舍蟻蟻韋注蟻蟻子也可以為醢西京賦蟻蟻蠶盡取五臣云蟻蟻子周禮有蟻醢者天官醢人饋食之豆有蜃蟻醢注云蟻蟻子讀若祁者郭注方言建平人呼蟻音侈

蟻

籀文蟻從虫

蟻

古文蟻從辰土

蟻

自蟻也從虫樊聲

附袁切

自蟻也者釋蟲自蟻蟻郭注引詩趨趨自蟻草蟻負蟻郭注引詩嚶嚶草蟲又云謂常羊也詩草蟲傳云自蟻蟻也陸疏今人謂蝗子為蟻子兗州人謂之騰馥案李巡曰蟻蝗子也詩草蟲傳云常羊也陸疏小大長短如蝗也奇音青色好在茅草中馥案徐錯韻譜蟻自蟻玉篇蟻自蟻也即蚣蟻諸書皆作自蟻疑本書自蟻為自蟻之譌

蟻

悉蟻也從虫帥聲

所律切

悉蝻也者悉當為倭本書倭聲也讀若屑韻謂此蟲切切作聲切切即屑屑也或作蟋集韻蟋蝻蟲名促織也釋蟲蟋蟀蝻郭云今促織也亦名青蛩釋文蟀本或作蝻說文同古今注蟋蟀一名吟蛩秋初生得寒則鳴噪濟南謂為懶婦又云促織謂鳴聲如急織也促織一名促機漢書王褒傳蟋蟀埃秋吟顏注蟋蟀今之促織劉芳毛詩義筌蟋蟀今促織也一名蜻蛚楚謂之蟋蟀或謂之蜚南楚謂之王孫謝惠連擣衣詩肅肅莎雞羽李善注云毛詩日六月莎雞振羽一名促織一名絡緯一名蟋蟀月令季夏之月蟋蟀居壁蔡邕章句蟋蟀蟲名斯螽莎雞之類世謂之蜻蛚周書時訓解小暑之日溫風至又五日蟋蟀居辟蟋蟀不居辟急迫之暴春秋元命苞孟秋趣織鳴注云趣織蟋蟀也春秋考異郵立秋趣織鳴宋均曰趣織蟋蟀也立秋女工急故趣之呂氏春秋夏季真紀蟋蟀居宇高注蟋蟀蜻蛚爾雅謂之蜚陰氣應故居宇鳴似促織易通卦驗蟋蟀之蟲隨陰迎陽居壁向外趣婦女織績女工之象今失節不居壁女工不成有淫佚之行因夜為菘故為門戶夜開詩唐風蟋蟀在堂傳云蟋蟀蛩也九月在堂陸疏蟋蟀似蝗而小正黑有光澤如漆有角翅一名蜚一名蜻蛚楚人謂之王孫幽州人謂之趣織里語曰趨織鳴懶婦驚是

也蝻案陸說乃居野者其居壁者小而不正黑無光澤

相 馬蛸也從虫面聲 武延切

馬蛸也者釋蟲文郭注蛸中最大者為馬蟬方言蟬其大者謂之勞或謂之蛸馬郭注云爾雅蛸者馬蛸非別名蛸馬也方言誤耳馥案玉篇蛸與蛸同本書蛸次於蛸蟬諸字下以類相從而蛸獨廁於此疑後人亂之蛸當為蛸之

當 當蠶不過也從虫當聲 都郎切

當蠶不過也者釋蟲不過蠶蠶郭注蠶蟻蟻別名

蠶 蠶也從虫囊聲 汝羊切

蠶 堂蠶也從虫良聲 一名斫父 魯當切

楚詞九思邑多兮蠶蠶 易通卦驗夏至螳蠶生螳蠶搏蟬之蟲乘寒而殺物自隱蔽而有所害捕搏之象也 月令章

句螳螂名倉蟬殺蟲 周書時訓解芒種之日螳螂生螳
螂不生是謂陰息 呂氏春秋仲夏紀螳螂生注云螳螂一
日天馬一日齧疣兗州謂之拒斧也 戴君震日月令仲夏
之月螳螂生鄭注云螳螂螳螂也歐陽詢藝文類聚云王
瓚問曰爾雅云莫絡螳螂同類物也今沛魯以南謂之螳
三河之域謂之螳螂燕趙之際謂之倉脆齊濟以東謂之馬
敷然名其子則同云螳螂是以注云螳螂螳螂也此所引
蓋鄭志文唐時猶存而孔穎達正義於月令引方言云潭魯
以南謂之螳螂三河之域謂之螳螂燕趙之際謂之倉脆齊
杞以東謂之馬穀然名其子同云螳螂也所引亦即鄭志當
是不知者矣改爲方書潭即沛之訛馬穀爾雅疏作馬谷馥
案脆龍並當爲朮 淮南人閒訓齊莊公出獵有一蟲舉足
將搏其輪問其御曰此何蟲也對曰此所謂螳螂者也其爲
蟲也知進而不知卻不量力而輕敵莊公曰此爲人而必爲
天下勇武矣迴車而避之 郭璞贊螳螂氣蟲揮斧奮臂當
轍不迴句踐是避勇士致成勵之以義馥案句踐式怒蛙未
聞避螳螂郭氏或別有據 成公綏螳螂賦冠角峩峩足翅
岐岐尋喬木而上綴從蔓草而下垂戢翼鷹時延頸鵠望推
翳徐翹舉斧高抗身伏地騰鵠擊隼放俯飛蟬而奮
猛臨螳姑而逞壯距車輪而軒翥固齊侯之所尙

堂螳也者廣雅芊芊齧脆螳螂也爾雅釋蟲莫辦螳螂
郭注螳螂有斧蟲江東呼爲石螳孫叔然以方言說此義
亦不了馥案方言言螳螂謂之髦或謂之叮或謂之蚌蚌郭
注有斧蟲也江東呼爲石螳又名齧脆案爾雅螳螂蚌叮
義自應下屬方言依此說失其指也馥案釋蟲螳螂蚌下
云叮螳負勞方言以叮爲螳孫叔然據以說爾雅是楊
孫皆不以叮螳連讀也方言之髦當爲髮即爾雅之蚌也
脆當爲朮 一名斬父者御覽螳螂不過也一名螳螂一
名斬父廣韻蛄
蚊螳螂別名

蟲 螳 堂 螳 子 從 虫 肖 聲 切 相 邀

蟲 螳 堂 螳 子 者 字 或 作 蟬 釋 蟲 不 過 螳 蟻 其 子 蟬 郭 注
一 名 蟬 蟬 螳 蟬 卵 也 又 作 蟬 蟬 廣 雅 蟬 蟬 鳥 洩 冒 焦 蟬 蟬
也 月 令 蟬 蟬 蟬 生 注 云 蟬 蟬 蟬 蟬 母 也 本 草 桑 蟬 蟬 一 名 蝕
脆 生 桑 枝 上 螳 蟬 子 也 陶 云 俗 呼 蟬 蟬 爲 斬 蟬 逢 樹 便 產
以 桑 上 者 爲 好 蜀 本 圖 經 云 此 物 多 在 小 桑 樹 上 叢 荆 棘
閒 並 蟬 蟬 卵 也 三 月 四 月 中 一 枝 出 小 螳 蟬 數 百 枚 范 子
計 然 蟬 蟬 出 三
輔 上 價 三 百

蟬

蟬蝗以翼鳴者從虫并聲

薄經切

蟬蝗者蝗當為蟻集韻引作蟻釋蟲蚊蟻蟬郭注甲蟲也大如虎豆綠色今江東呼黃蟬以翼鳴者者考工記梓人以翼鳴者注云翼鳴發皇屬馥案發皇蟬蟻蚊蟻一物也郭謂江東呼黃蟬則是蚊名黃蟬矣玉篇蚊蟻蟬也並與本書異

蟬

蟬蟻也從虫商聲

余律切

蟬

蟬蟻也從虫黃聲

乎光切

蟬

姑蟻強蟬也從虫施聲

式支切

姑蟻強羊也者釋蟲文彼作姑郭注今米穀中蠹小黑蟲是也建平人呼為蟬子釋文蟬郭音半亾婢反本或作半說文作半字林作蟬弋文反云搔蟬也御覽引郭注作半子音米趙宦光長箋引本書作半音縣婢切集韻六書故張次立本並同滋陽范氏有舊刻李燾本作強半姑小字本作姑張次立本類篇六書故並同方言姑蟻謂之強蟬

注云米中小黑甲蟲也江東謂之蟬建平人呼蟬子音半半卽姓也

蟬

姑斯墨也從虫占聲

職廉切

姑斯墨也者釋蟲蟬姑斯墨郭注載屬也今青州人呼載為姑斯本草別錄雀養生樹枝間姑斯墨也陶云姑斯墨也其背毛螫人生卵形如雞子大如巴豆陳藏器云蟬蟲好在果樹上大小如蠶身面背上有五色斑文毛有毒能螫人欲老者口吐白汁凝聚如雀卵其蟲以養為繭在中成蛹夏月羽化而蛾生於葉間如蠶子

蟬

緜女也從虫見聲

胡典切

緜女也者釋蟲文孫炎云小黑蟲赤頭三輔謂之緜女此蟲多自緜灰御覽引異苑緜女蟲也一名蜺長寸許頭赤身黑恆吐絲自懸

蟬

盧蟹也從虫肥聲

符非切

盧蟹也者釋蟲蜚蠊蟹郭注蜚卽負盤臭蟲隱元年左傳正義引舍人李巡皆曰蜚蠊一名蟹廣雅蜚蠊蟹也

渠

渠蝻一日天社從虫卻聲

其虐切

渠蝻者集韻引作渠蝻蝦御覽引作蜺蝦廣韻蝻天神蟲類篇蝻蟲名矢甲也馥謂矢甲當為天申玉篇蝻與蜺同蜺蝦啖糞蟲也廣韻蝻蝻雀切又邱良切釋蟲蝻蜺蝻同郭注黑甲蟲噉糞土古今注蜺蝦能以土苞糞推轉成丸圓正無斜角莊周曰蜺蝻之智在於轉丸一日天社者集韻引同廣雅天社蜺蝦也御覽誤作天柱

蝻

蝻蝻蒲盧細要土蠶也天地之性細要純雄無子詩

曰螟蠕有子蝻蝻負之從虫隔聲古火切

蝻蝻蒲盧者釋蟲文蝻彼作果郭注即細腰蠶也俗呼為蝻蝻韓偓詩案頭筠管長蒲盧細要土蠶也者廣雅土蜂蝻蝻也方言蠶燕趙之間謂之蠶蝻其小者謂之蝻蝻郭注小細腰蠶也爾雅釋文云案今俗呼細腰小蠶為蝻蝻在物中作房用土為隔是也天地之性細要純雄無子者續古今注蜂蝶之類無雌列子天瑞篇純雄其名稱蜂注云司馬彪云稚蜂細要者取桑蟲視之使似己子也莊子天運篇細要者化釋文云細要蜂之屬也司馬云取

桑蟲祝使似己也淮南原道訓蛟蜺貞蟲高云貞蟲細要之屬地形訓凡人民禽獸萬物貞蟲各有以生注云貞蟲諸細要之屬博物志細要無雌蜂類也取桑蠶阜蠶子呢而成子搜神記土蜂名曰螺蠶細腰之類也其為物純雄而無雌不交不產常取桑蟲之子而育之則皆成己子焉林朝儀蟲異賦注蒲盧似蜂而細腰純雄無子取桑蟲呢之久則肖之矣爾雅翼天地之性細腰純雄大腰純雌純雄謂蜂純雌謂龜鼈之屬也列子亦曰純雌其名大腰純雄其名穉蜂言無雌雄而自化故淮南子以蜂之類為貞蟲言其無欲也郭注爾雅尺蠖又呼布屈其色青而細小或在草葉上今螺蠶所負以為子者詩曰螟蠕有子蝻蝻負之者小雅小宛文蠕彼作蛤蝻彼作螺傳云螟蛉桑蟲也螺蠶蒲盧也箋云蒲盧取桑蟲之子負持而去煦嫗眷之以成其子陸璣疏云螟蛉者桑上小青蟲也似步屈其色青而細小或在草葉上螺蠶土蜂也似蜂而小腰取桑蟲負之於木空中七日而化為其子中庸夫政也者蒲盧也鄭注蒲盧螺蠶謂土蜂也詩曰螟蛉有子螺蠶負之螟蛉桑蟲也蒲盧取桑蟲之子去而變化之以成為己子猶蒲盧也待化以成注云蒲盧螺蠶也謂土蜂也取螟蛉

螟蠕桑蟲也者釋蟲文彼作蛤郭注俗謂之桑蠟亦曰戎女玉篇螟蠕蛤蟲也

蛺蝶也從虫夾聲兼叶切

西陽雜俎白蛺蝶尺蠖蠶所化也白帖木蠹生蟲羽化為

蝶陸龜蒙曰橘之蠹大如小指一且視之弗倉弗動明日復往則蛻為蝴蝶矣搜神記朽葦為葢麥為蝴蝶列

子天瑞篇鳥足之根為蟻蟻其葉為蝴蝶蝴蝶者胥也

蛺蝶也者廣雅蛺蝶蟻也古今注蛺蝶一曰野蛾一名風蝶江東呼為撻末色白背青者是也其大如蝙蝠者或

黑色或青斑名為鳳子一名鳳車一名鬼車生江南柑橘園中莊子齊物論昔者莊周為胡蝶釋文胡蝶司馬崔云

蛺蝶也古詩胡蝶胡高飛暮宿桑樹間

蛺蝶也從虫走聲徒叶切

蟲也從虫出聲赤之切

蟹螯毒蟲也從虫般聲布還切

蟹螯毒蟲也者陳藏器曰蟹螯蟲有小毒或作蟹螯廣雅蟹螯晏青也又作斑猫本草斑猫有毒一名龍尾生河東川谷陶云甲上黃黑斑色如巴豆大者是也吳氏本草斑猫一名斑蚝一名龍蚝神農辛岐伯鹹桐君有毒扁鵲甘有大毒生河內川谷又作斑茅古今注毒藥種有五物五日斑茅戎鹽解之

蟹螯也從虫教聲莫交切

古文蟹

鼠婦也從虫番聲附袁切

鼠婦也者釋蟲文彼作負郭注瓮器底蟲御覽引作蟠蟠鼠婦也本書蟠或曰鼠婦通志鼠負瓮底白粉蟲也

伊威委黍委黍鼠婦也從虫伊省聲於脂切

伊威委黍者釋蟲文彼作蚱郭注舊說鼠婦別名然所未詳詩東山伊威在室傳云伊威委黍也陸璣疏云伊威一名委黍一名鼠婦在壁根下甕底土中生似白魚者是也鼠婦也者廣韻蚱蟻蝻負蟲也本草鼠婦一名負蟠一

名伊威一名委黍陶注
多在鼠坎中鼠背負之

𧈧 𧈧以股鳴者從虫松聲 息恭切

𧈧者玉篇𧈧斯𧈧廣韻𧈧蟲𧈧蟲一切經音義二十
五今江北通謂𧈧之類曰𧈧亦曰𧈧𧈧一名𧈧𧈧一名
𧈧俗名春黍釋蟲𧈧𧈧郭注𧈧也俗呼春黍釋
文云𧈧本又作𧈧馥案𧈧方言作𧈧以股鳴者者酉陽
雜俎𧈧股鳴考工記注云股鳴𧈧動股屬詩七月斯
𧈧動股陸璣疏云𧈧𧈧也楊雄云春黍也幽州人謂之
春箕春箕即春黍蝗類也長而青長角長股鳴者也或
謂似蝗而小斑黑其股似蜻蟬文五月中以兩股相切作
聲聞數十步御覽引毛詩題綱𧈧斯名𧈧
𧈧一名春黍似蝗而小青色長股而鳴

𧈧或省

𧈧 𧈧也從虫胥聲 相居切

𧈧也者詩釋文𧈧一名斯𧈧七月詩云斯𧈧動股是也
楊雄許慎皆云春黍馥案本書當有春黍二字方言春黍

謂之𧈧𧈧廣雅
𧈧春黍也

𧈧 𧈧也從虫庶聲 之夜切

𧈧也者玉篇𧈧鼠婦負蟻也廣韻𧈧𧈧蟲名廣雅負蟻
𧈧也馥案本書以𧈧為鼠婦蟻為負蟻故此𧈧但訓蟲也
本草廣蟲一名地鼈一名土鼈生河東川澤及沙中人家
牆壁下土中溼處陶隱居云形扁扁如鼈故名土鼈而有
甲不能飛小有臭氣今人家亦有之唐本注云此物好生
鼠壤土中及屋壁下狀似鼠婦而大者寸餘形小似鼈無
甲但有鱗也周禮赤友氏凡隙屋除其狸蟲注云狸蟲廣
肌𧈧之屬集韻𧈧一日蝗類馥案方言所謂𧈧𧈧是也本
書次於𧈧蝗之
閒或主此義

𧈧 𧈧也從虫皇聲 乎光切

急就篇災蝗不起顏注蟲倉苗曰蝗 月令孟夏行春令則
蝗蟲為災 漢名臣奏張文上疏曰春秋義曰蝗者貪擾之
氣所生天意若曰貪狠之人蠶倉百姓若蝗倉禾稼而擾萬
民宜敕正衆邪清審選舉退屏貪暴 後漢書和帝紀京師
說文解字義證 卷四十二

復育附於朽處怪之邨人言蟬固朽木所化也翽因剖一視
之腹中猶實朽木曹植蟬賦惟夫蟬之清素潛厥類於太
陰在炎陽之中夏始游豫乎芳林內含和而弗食與衆物而
無求栖高枝而仰首漱朝露之清流郭璞贊蟲之精絜可
貴惟蟬潛蛻棄穢飲露恆鮮萬物皆化人胡不然梁昭明
太子贊茲蟲清絜惟露是餐寂寞秋序咽嘶夏闌豈伊不美
曜彼華冠

以旁鳴者者玉篇蟬蛸也以旁鳴者蟬連系續之
言也酉陽雜俎蛸屬旁鳴考工記注旁鳴蛸蛸屬

蛸 寒蛸也從虫兒聲

五雞切

陸雲寒蟬賦序夫頭上有綫則其文也含氣飲露則其清也
黍稷不享則其廉也處不巢居則其儉也應侯守常則其信
也加以冠冕取其容也

寒蛸也者釋蟲文郭注寒蟬也似蟬而小青色馥案許注
淮南云寒蟬屬也方言黑而赤者謂之蛸蛸月令孟秋
之月寒蟬鳴注云寒蟬寒蛸謂蛸也蔡邕章句寒蟬應陰
而鳴鳴則天涼故謂之寒蟬方言蛸謂之寒蛸寒蛸瘖瘖

也郭注案爾雅以蛸為寒蛸月令
亦曰寒蛸鳴知寒蛸非瘖者也

蛸 蟻鹿蛸蛸也從虫奚聲

胡雞切

蟻鹿蛸蛸也者本書無蛸字六書故引字林蚘亦作蛸青
徐謂之蛸蛸陶隱居云七月八月鳴者名蛸蛸色青廣韻
蛸蛸鳴蛸蛸也一名蛸蛸青徐謂之蛸蛸廣雅蛤蛸蛸
蛸蛸也爾雅釋蟲蛸蛸蛸蛸蛸蛸蛸蛸蛸蛸蛸蛸蛸蛸蛸
人呼蛸蛸夏小正寒蟬鳴傳云寒蟬也者蛸蛸也楚詞招
隱士螻蛄鳴兮啾啾王注蛸蛸得夏喜呼號也秋節將至
悲嘹喙也家語子路初見篇違山十里螻蛄之聲猶在於
耳注云螻蛄蛸蛸也蛸蛸之聲去山十里猶在於耳以其
鳴而不已莊子逍遙游螻蛄不知春秋釋文云司馬云惠
姑寒蟬也一名蛸蛸春生夏死夏生秋死崔云蛸蛸也太
元飾次八蛸鳴喙漢書五行志引詩如蛸如蛸顏注蛸
蛸也即蛸蛸也鹽鐵論諸生獨不見季
夏之蛸乎音聲入耳秋風至而聲無

蛸 蛸蛸蛸也從虫支聲

於悅切

伊蚊蛸螿也者或作伊吱楚詞九思伊吱兮噍噍注云促寒將蟄故噍噍鳴或作哆蚊陸璣詩疏鳴蠅蟬也楚人名之噍姑秦謂之哆蚊玉篇哆蚊亦噍姑也

𧈧

伊蚊蟬屬讀若周天子赧從虫丐聲

武延切

伊蚊蟬屬者廣韻引作

𧈧

蜻蛉也從虫削聲

良辭切

蜻蛉也者字林蜻蛉蟋蟀也廣雅蜚起織妊孫蜻蛉也方言言蜻蛉楚謂之蟋蟀或謂之蜚南楚之間謂之妊孫注云卽趨織也梁園呼蜚易通卦驗立秋蜻蛉鳴鄭注蜻蛉蟋蟀之名也此紀其鳴之時也蔡邕月令章句蟋蟀名俗謂之蜻蛉鹽鐵論引月令涼風至殺氣動蜻蛉鳴衣裘成論衡變動篇夏末蜻蛉鳴寒蟄啼感陰氣也楚詞九辨哀蟋蟀之宵征注云見蜚蛉之夜行

蜻

蜻蛉也從虫青聲子盈切

𧈧

蜻蛉也從虫令聲一名桑根

郎丁切

蜻蛉也者玉篇蜻蛉六足四翼陶注本草蜻蛉一名諸乘俗呼胡蛸一名蜻蛉蜀本注云蜻蛉六足四翼好飛溪渠側衍義云蜻蛉其中一種最大京師名爲馬大頭者是身綠色雌者腰間一遭碧色此物生化於水中故多飛水上古今注蜻蛉一名蜻亭一名胡蝶色青而大者是也小而黃者名胡黎一曰胡離小而赤者曰赤卒一名絳騶一名赤衣使者好集水上亦名赤弁丈人釋蟲虹蛸負勞郭云或曰卽蜻蛉也江東呼狐黎所未聞廣雅蜻蛉蜚倉燈也方言蜻蛉謂之螂蛉郭注六足四翼蟲也江東名爲狐黎淮南人呼蠅蛸列子天瑞篇厥昭釋文云曾子云狐黎一名厥昭恆翔繞其木不能離之師說云狐黎蜻蛉蟲也尸子荆莊王命養由基射蜻蛉欲生得之養由基射之拂左翼焉楚策王獨不見夫蜻蛉乎六足四翼飛翔乎天地之間呂氏春秋精論篇海上之人有好蜻者安居海上從蜻游蜻之至者百數而前不止後左右盡蜻也注云蜻蜻蛚小蟲細腰四翅一名白宿淮南說林訓水蠶爲蠅注云水蠶化爲蠅蠅青蛚也又齊俗訓水蠶爲蠅注云青蛉也馥案蠅卽蠅之譌玉篇蠅蜻蛉也一曰桑根者李

壽本無此文集韻引作桑根爾雅釋文引字林蜻蛉一名桑根六書故引同

蠓

蠓蠓也從虫蒙聲 莫孔切

蠓蠓也者本書無蠓字廣韻蠓蠓似蚊釋蟲蠓蠓郭注云小蟲似蚋喜亂飛一切經音義八引郭注云小蟲似蚋風春兩證者也文選甘泉賦注引孫炎云蠓蠓蟲小於蚊列子湯問篇春夏之月有蠓蚋者因雨而生見陽而灰注云謂蠓蠓蚋蚋也二者小飛蟲也古文苑小言賦附蠓蠓而遨遊注云蠓蠓飛蟲形微於蚋抱朴子蠓蠓之育於醯雞或作蔑蒙漢書司馬相如傳蔑蒙踊躍或謂之黃鴻史記周本紀黃鴻滿野索隱按高誘曰黃鴻蠓蠓也言飛蟲蔽田滿野故為災非是鴻雁也

蠓

蠓蠓也一曰蠓蠓朝生莫灰者從虫京聲

离灼切

蠓蠓也者即渠畧一曰蠓蠓朝生莫灰者者蠓小字本作游玉篇蠓蠓渠蠓朝生夕灰也廣韻亦作蠓蠓五音集韻作蠓蠓方言蠓蠓秦晉之間謂之蠓蠓注云似天牛而小有甲角出糞土中朝生夕灰釋蟲蠓蠓渠畧郭云似蛙

蜚身狹而長有角黃黑色叢生糞土中朝生暮灰豬好啖之詩曹風蠓蠓之羽傳云蠓蠓渠畧也朝生夕灰陸璣疏云蠓蠓方土語也通謂之渠畧似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也樊光謂之糞中蠓蠓隨陰雨時為之朝生而夕灰夏小正五月蠓蠓有殷傳云蠓蠓者渠畧也朝生而暮灰荀子大畧篇不飲不食者蠓蠓也注云蠓蠓渠畧朝生夕灰蟲也淮南說林訓蠓蠓不食不飲三日而灰詮言訓蠓蠓不過三日高注蠓蠓渠畧也生三日而灰漢書王褒傳蠓蠓出以陰孟康曰蠓蠓渠畧也顏注蠓蠓甲蟲也好叢聚而生也朝生而夕灰蠓音由字亦作蠓其音同也廣志蠓蠓可燒啖美於蟬蠓蠓在水中小翕然生覆水上尋灰隨流傳咸蠓蠓賦有生之薄是曰蠓蠓育微微之陋質羌采采而自修不識晦朔無意春秋取足一日尚又何來戲淳淹而委餘何必江湖之是游

蠓

秦晉謂之蠓楚謂之蚊從虫芮聲

而銳切

秦晉謂之蠓楚謂之蚊者一切經音義三引作秦人謂之蠓楚人謂之蚊後漢書崔駰傳蠓蚋之趣大沛注云蚋小

動也者後漢書馬融傳注引同廣雅蠕動也字或作蠕荀子勸學篇蠕而動注云蠕微動也韓詩外傳蝘飛蠕動各樂其性新語道基篇蝘飛蠕動之類論衡齊世篇蝘蜚蠕動跋行喙息漢書匈奴傳蠕動之類顏注蠕蠕動貌杜佑曰柔然後魏大武以其無知狀類於蟲故改其號曰蠕蠕

行也從虫支聲

行也者李善注琴賦引云跋行也凡生之類行皆曰跋又注七發七命洞簫賦所引竝同是本書原有凡生之類行皆曰跋入字一切經音義八跋謂蟲行貌也玉篇跋行喙息麕鹿之類入十一難經諸跋行喘息淮南原道訓澤及跋蟻而不求報高注跋跋行修務訓跋行蟻動之蟲倣真訓夫與跋蟻同乘天機高注跋跋行修務訓跋行蟻動之蟲倣真天地賦跋行蠕動方聚類分馥案樂記方以類聚注云方謂行蟲有識性故稱方漢嚴詵碑跋行蠕動咸守厥常通作跋周書周祝解跋動噦息新語道基篇跋行喘息漢書匈奴傳跋行喙息顏注跋行凡有足而行者禮樂志跋行畢逮顏注凡有足而行者稱跋行也東方朔傳跋跋跋跋善緣壁顏注跋跋行貌也古文苑篆勢若行若飛跋跋跋

跋注云跋蟲行也衛恆四體書勢蟲跋跋跋以若動通典江左猶有跋行鼈食之伎又或作跋文選笙賦黝黝跋跋李善云跋跋飛行貌漢書音義跋跋將行貌

蟲行也從虫震聲

蟲行也者淮南原道訓蠓飛蠕動高注蟲行動貌

香沈切

蟲曳行也從虫中聲讀若騁

蟲曳行也者類篇引作蟲名曳行也玉篇虫蟲伸行廣韻同中聲者本書書亦從中聲

丑善切

蠱醜蝥也從虫欲聲

蠱醜蝥者釋蟲文 蝥蝥也者郭注釋蟲云垂其蝥

余足切

蠅醜蠅也從虫扇聲

蠅醜蠅者釋蟲文 蠅醜也者郭注釋蟲云垂其蝥

式戰切

說文解字卷之七

三

蠅蠅蠅者釋蟲文彼作扇 搖翼者廣韻蠅蠅動翅也郭注釋蟲云好搖翅

蛇蟬所解皮也從虫稅省 切 輸芮

蛇蟬所解皮也者後漢書陽球傳注引作蟬蛇所解皮也一切經音義十九引同又十二引作蟬蛻所解皮也後漢書竇融傳注張衡傳注所引並同字林蛻蟬皮也廣雅復育蛻也楚詞九懷濟江海兮蟬蛻列于天瑞篇是天地委蛻也注云氣自委結而蟬蛻曰淮南說林訓蟬飲而不食三十日而蛻史記屈原傳蟬蛻於濁穢論衡論灰篇蟬之未蛻也為復育已蛻也去復育之體更為蟬之形夏侯湛東方朔畫贊蟬蛻龍變謝靈運山居賦羨蟬蛻之匪日馥案此皆專屬蟬蛻晉書張華傳武庫有雉雛華曰此必蛇化為雉也開視雉側果有蛇蛻焉吳氏本草蛇蛻一名蛇附一名蛇筋一名弓皮馥案此乃屬蛇淮南精神訓蟬蛻蛇解顏氏家訓夫神滅形消遺聲餘價亦猶蟬殼地皮耳莊子寓言篇子蠋甲也蛇蛻也馥案此皆蟬蛇並舉 稅省者當為稅省聲

螫也從虫若省聲 切 呼各

螫也者字林蝥蟲行毒也或作蝥楚詞天問蝥蟻微命力何固注云言蝥蟻有蝥毒之蟲以喻蠻夷自相毒蝥又或作蠹漢書刑法志百姓新免毒蠹王莽傳毒蠹並作嚴助傳蝥此蠹生荆通傳故猛虎之猶與不如蠹蠹之致蠹顏注蠹毒也

蝥蟲行毒也從虫赦聲 切 施隻

蝥蟲行毒也者小字本無虫字玉篇集韻同一切經音義三蝥式亦反字林蝥行毒也關西行此音又音呼各反山東行此音蛆知列反南北通語也詩小苾自求辛螫箋云徒自求辛苦毒螫之害耳桑柔寧為荼毒正義毒者螫蟲中山經穀城之山有神焉其狀如人而二首名曰驕蟲是為螫蟲郭注為螫蟲之長老子蜂蠹虺蛇不螫文子野有螫蟲葵藿為之不采兔谷子權篇螫蟲之動也必以毒螫淮南兵畧訓有毒者螫 赦聲者螫通作赦詩小苾釋文辛螫韓詩作赦鹽鐵論蜂蠹赦人致灰不能息其毒也玉篇螫同螫馥案本書赦或從亦

虺屬從虫亞聲 切 烏各

虺屬者集韻類篇引作跌也張次立本小字本竝同
釋魚跌蛩郭注蝮屬大眼最有毒今淮南人呼蛩子

蟬 搔蟬也從虫羊聲余兩切

搔蟬也者爾雅釋文引字林同玉篇舊刻本作蟬蝻張氏
本作蟬搔也一切經音義十二蟬餘掌反說文搔蟬也禮
記寒不敢襲蟬不敢搔是也字從虫從羊又卷六蟬今皆
作瘡近字也又作痒音似羊反病名也痒非字意釋名瘡
揚也其氣在皮中欲得發揚使人搔發之而揚出也顏真
卿麻姑山仙壇記麻姑手似鳥爪蔡經心中念言背蟬時
得此爪以杷背乃佳也

蝕 敗創也從虫人會會亦聲乘力切

敗創也者本書瘍蝕創洪武正韻日月虧日蝕韻會蝕今
文省作蝕漢書日月薄蝕韋昭曰氣往迫日薄虧敗日蝕
馥案玉篇蝕日月蝕也論語何晏本如日月之蝕也晉書
天文志十輝五日闇謂日月蝕劉氏新論妄瑕篇日月有
謫蝕之變又通作會易月盈則會春秋日有會之釋名日
月虧日會稍稍侵虧如蟲食草木葉也從虫人會會亦

蛟

龍之屬也池魚滿三千六百蛟來為之長能率魚飛

置笱水中割蛟去從虫交聲古肴切

廣雅有鱗曰蛟龍一切經音義五有鱗曰蛟龍抱朴子
母龍曰蛟子曰蚪其狀魚身而蛇尾中山經翼望之山賦
水出焉東南流注于漢其中多蛟郭注似蛇而四脚小頭細
頸頸有白瘦大者十數圍卵如一二斤甕能吞人呂氏春
秋知分篇有兩蛟夾繞其船高注魚滿二千斤為蛟廣州
記新寧郡東溪甚饒蛟及時害人曾於魚梁上得之其長丈
餘形廣如楯修頸小頭胸前楮背上青斑脇邊若錦郭璞
贊匪蛇匪龍鱗采暉煥騰躍濤波蜿蜒江漢漢武飲羽飲飛
斷

龍之屬也者顏注漢書武帝紀引無之字藝文類聚引亦
無埤雅蛟龍屬也肩交故謂之蛟述異記曰蛟肩連生海
內西經開明南有蛟郭注蛟似蛇四脚龍類也南山經禱
過之山浪水出焉其中有虎蛟郭注蛟似蛇四足龍屬楚

詞九歌蛟何為兮水裔王注蛟龍類也九思乘六蛟兮蜿
蟬注云龍無角曰蛟池魚滿三千六百蛟來為之長能
牽魚飛者藝文類聚引作魚滿三千六百歲西京雜記漢武昆
明池養魚往往飛去齊民要術陶朱公養魚經云魚池所
以內鱣者魚滿三百六十則蛟龍為之長而將魚飛去內
鱣則魚不復去爾雅翼陶朱公養魚之法以六畝地為池
求懷子鯉魚長三尺者二十頭牡鯉四頭以二月上庚日
納池中至四月納一神守六月納二神守八月納三神守
而將魚飛去納鱣則魚不復去

蛟

若龍而黃北方謂之地螻從虫离聲或云無角曰螻

丑知切

若龍而黃北方謂之地螻者字林同荀子賦篇螻龍為螻
螻注云地螻呂氏春秋舉難篇螻食乎清而游乎濁注云
螻龍之別也後漢書馬融傳逐罔螻注云螻龍屬論衡訂
鬼篇說螻者謂之龍物也馥案亦有赤色者漢書司馬相

如傳蛟龍赤螻又云驂赤螻青刺之螻螻螻字或作麗
史記齊世家非龍非麗又作宛廣雅無角曰宛龍玉篇宛

今作螻

虺

龍子有角者從虫虺聲渠幽切

此即今之虺字隸體虺變為虺後漢書蘇章傳莫敢糾問即
糾問楚辭天問焉有虺龍負熊以游熊氏瑞應圖虺龍
黑身無鱗甲淮南子女媧之時服應龍驂青虺是也
龍子有角者李善注甘泉賦引無子字韻會引同離騷
駟玉虺以乘鸞兮注云有角曰龍無角曰虺漢書馮衍傳
駟素虺而馳騁顏注虺龍之無角者廣雅有角曰龍龍文
選注引作虺漢書司馬相如傳六玉虺張揖曰龍子有角

虺

虺屬黑色潛于神淵能興風雨從虫侖聲讀若戾艸

力屯切

蛇屬黑色潛于神淵者江賦神蜃蛭蝮以沈游李善云說文曰蜃蛇屬也許注淮南云黑蜃神蛇也潛於神泉張景陽雜詩黑蜃躍重淵劉孝儀為臨川王解司空表今水蜃不躍旱而為災能興風雨者韻會引作雲雨廣韻蝮屬也黑色潛於神泉之中能興雲致雨淮南齊俗訓犧牛駢毛宜於廟牲其於致雨不若黑蜃高注黑蜃黑蛇也潛於神淵能致雲雨讀若戾轉者戾當為莫

蝮 蝮或從戾

海蟲也者本書蝮似蠖字或作蠖廣韻蠖蟲名集韻蠖蝮水蟲名似蚌長寸而白可食者玉篇蠖小蚌可食晉書音義引字林蠖蝮海蟲長寸可食晉書夏統傳或至海邊拘蠖蝮以資養

蝮 蝮入海化為蜃從虫蜃聲時忍切

鄭注周禮醢人鼈人地官敘官並云蜃大蛤周書王會且甌文蜃注云蜃大蛤也

蜃 蜃入海化為蜃者廣韻引作雉入水所化字林蜃雉入海所化也搜神記千歲之雉入海為蜃周書時訓立冬十月節野雞化蜃若不化蜃即時多雉婦易通卦驗小雪雉入水為蜃昭十七年左傳丹鳥氏司閉者也杜注丹鳥驚雉也入大水為蜃釋鳥驚雉樊光曰丹雉也少皞氏以鳥名官丹鳥氏司閉以立秋來立冬去入水為蜃七修類稿萬物隨天地之氣以生殺變化之道寓焉若春夏之氣飛揚也故青蟲化蝴蝶水蟲化蜻蜓秋冬之氣降潛也故雀入大水為蜃注云大水為蜃舉此則凡物可知月令雉入大水為蜃注云大水為蜃也大蛤曰蜃晉語雀入於海為蛤雉入於淮為蜃韋注小曰蛤大曰蜃夏小正十月雉入於淮為蜃蜃者蒲盧也中山經青要之山北望河曲是多僕纍蒲盧馥案蒲盧卽蒲蠃一馨之轉

合 蜃屬有三皆生於海千歲化為蜃秦謂之牡厲又云百歲燕所化魁蠃一名復累老服翼所化從虫合聲

古沓切

切

周書王會東越海食注云食文食 漢書地理志果蘇蠃食
倉物常足顏注食似蚌而圓 南越志凡食之屬開口間雷
鳴不復閉口 寰宇記密州貢海食出
琅邪臺常以三月候海潮上下方採

蜃屬者考工記幄氏淫之以蜃注云鄭司農云士冠禮曰
素積白履以魁柎之說曰魁食也周官亦有白盛之蜃蜃
蛤也 有三云云者交多脫誤爾雅釋文說文云食有三
皆生於海食屬千歲雀所化秦人謂之牡厲海食者百歲
燕所化也魁食一名復案者服翼所化藝文類聚引云有
三種皆生於海食蠅千歲雀所化也海食百歲燕所化也
魁食一名復累老服翼所化本草圖經按說文曰千歲鷲
化爲海食魁食卽是在翼所化故一名伏老搜神記百年
之雀入江爲食食小正九月雀入於海爲食周書時訓解
寒露又五日爵入大水化爲食月令鴻雁來賓爵入大水
爲食呂氏春秋季秋紀高注作賓爵云賓爵老爵也栖宿
於人堂字之間有似賓客故謂之老爵賓字屬下與今讀
異張叔皮論賓爵下化田鼠上騰字林食燕雀所化也秦
曰牡蠣大戴禮易本命篇鳥魚皆生於陰而屬於陽故鳥
魚皆卵魚游於水鳥飛於雲故冬燕雀入於海化而爲蚘
易通卦驗立冬燕雀入水爲食梁元帝謝賚食蚘啟雀文

始化燕羽猶在陶隱居云燕窠戶有北向及尾偏色白者
皆是數百歲燕列子天瑞篇燕之爲食也淮南子燕入水
爲食釋魚魁陸郭注云本草云魁狀如海食圓而厚外有
理縱橫卽今之蚘也釋文云字書云蚘食也出會稽可食
本草魁食一名魁陸一名活東生東海正圓兩頭空表有
文陶注云形似紡錘小狹長外有縱橫文理云是老蠃蠃
所化圖經云形圓長似大腹檳榔兩頭有孔江賦洪蚘專
車注引臨海水土記蚘徑四尺背似瓦壘有文集韻蚘蚘
屬魁陸也橫縱其理又云蚘海蛤員厚而有文玉篇蚘魁
蛭也六書故蚘似蛤而厚殼殼文鱗差似瓦屋俗亦謂瓦
屋也亦謂魁陸海物異名記瓦壘魁陸海蛤也嶺表錄異
瓦屋子南中舊呼爲蚘子以其殼上有稜故名焉殼中有
肉紫色而滿腹夢溪筆談魁蛤卽車螯
也馥案復累山海經作僕纍又作蟻螺

字之階也脩爲麀圓爲蠃從虫庫聲 蒲猛切

廣韻麀與鮑同本書鮑蚌也徐鍇曰爾雅作麀 字或作
蟬東京賦供蝸蟬與菱芡 既夕禮蟬醢注云蟬蟬也
階也者韻會引作階也張次立本同集韻六書故引作蛭
字林蛭小蛤也玉篇蛭蚌長者廣雅蛭食蒲盧也釋魚蛭

麤郭注今江東呼蚌長而狹者為麤本草馬刀一名蚌生江漢長六七寸食其肉似蚌今人多不識大抵似今蚌蚘周禮醢人麤醢注云麤蛤也鼈人祭祀共麤蠃蚘注云鄭司農云麤蚘也杜子春云麤蚌也六書故螻蛤類修長如指馥案螻即麤閩越人以田種之謂之螻田圓為螻者復古編集韻增韻爾雅疏並引作螻

蝸 蝸蠃也從虫昂聲

古華切

江賦鸚螺蛭蝸內則蝸醢而苽食西山經邱時之水其中多蠃母郭注蝸螺也中山經青要之山北望河曲是多僕纍蒲盧郭注僕纍蝸牛也南山經洵水南流注于闕之澤其中多苽蠃注云紫色螺也漢書地理志果蘇蠃蛤會物常足鹽鐵論越人美蠃蚌而簡太牢

蝸蠃也者六書故蠃其種不一水產之別尤多皆旋殼舛口大者如斗陸生者謂之土蝸土蠃以其善緣又謂附蝸附蠃陵蠃以有肉角又謂蝸牛蠃牛通志蝸牛曰蛭蝸曰陵蠃曰土蝸曰附蝸爾雅附蠃蛭蝸凡蠃之類皆負殼惟此能脫殼而行頭有兩角故曰蝸牛一切經音義二蠃蚌也廣韻旋蝸蝸螺也土冠禮蠃醢注云今文蠃為蝸吳語

其民必移就蒲蠃於東海之濱章注蒲深蒲也蠃蚌蛤之屬馥案蒲蠃即夏小正之蒲盧盧蠃聲轉王沈魏書袁術在江淮取給蒲蠃莊子則陽篇有所謂蝸者君知之乎釋文李云蝸蟲有兩角俗謂之蝸牛三蒼云小牛螺也一云俗名黃犢尚書大傳鉅定螺鄭注螺蝸牛也陶注本草蝸牛云蝸牛字是力戈反而俗呼為瓜牛生山中及人家頭形如蛭蝸但背負殼爾古今注蝸牛陵螺也形如蛭蝸殼如小螺熱則自懸於葉下野人結圓舍如蝸牛之殼故曰蝸舍裴松之曰魏畧云焦先及楊沛並作瓜牛廬以為瓜當作蝸蝸牛螺蟲之有角者也俗或呼為黃犢先等作圍舍形如蝸牛殼故謂之蝸牛廬爾雅翼蝸牛似小蠃白色生池澤草木間頭有兩角行則出驚則縮首尾俱能藏入殼中盛夏日中則自懸樹葉下往往升高涎沫既盡隨即槁灰以其有兩角故以牛名

蚌 蚌屬從虫卑聲

步項切

異物志蚌似車螯潔白如玉符子鏡以曜明故鑿人蚌以合珠故內照呂氏春秋精通篇月也者羣陰之本也月望則蚌蛤實羣陰盈月晦則蚌蛤虛羣陰虧夫月形乎天而羣陰化乎淵注云羣陰蚌蛤也隨月盛衰虛實也郭璞贊萬

傳作范蝟漢書藝文志蝟子卽楚人環淵淮南原道訓又作蝟蠖

蝟 死蝟也從虫叀聲 常演切

俗通冷澀比如寒蛭一切經音義十三曲蝟卽蛭蛭亦名

善長吟於地中江東謂之歌女或謂之鳴蝟廣雅蝟蛭

蝟也釋蟲蝟蛭蛭蠶郭注卽蝟蝟也稽康琴賦蝟蝟相糾

蝟 蝟也從虫幽聲 於刺切

蝟也者玉篇蝟與蝟同蝟蝟龍兒漢書司馬相如傳青龍蝟蝟於東廂顏注蝟蝟行動貌又大人賦駢赤螭青刺

之蝟蝟

蝟 蝟也從虫麥聲 力幽切

蝟 蝟也從虫輒聲 直立切

釋詁蝟靜也 易繫辭龍蛇之蟄以存身也 哀十二年左傳火伏而後蟄者畢 夏小正正月啓蟄傳曰啓蟄言始發

蟄也 周書時訓解蟄蟲不振陰舒陽 呂氏春秋孟春紀蟄蟲始振注云蟄讀如詩文王之什蟄伏之蟲乘陽始振動

蘇生也 淮南地形訓介鱗者夏食而冬蟄 山海經冬死而夏生注云此亦蟄類也謂之死蟄者言其蟄無所知如死耳

藏也者一切經音義十三說文蟄藏也蟲至冬卽蟄隱不出也獸有淺毛亦蟄熊羆等也

疥 青疥水蟲可還錢從虫夫聲 房無切

青疥水蟲可還錢者廣雅螻蛄魚伯青疥也稽聖賦涂青疥而還錢鬼谷子若疥母之從其子也注云疥水蟲用其

血染子母錢則常不相離淮南萬術青疥還錢注云以其子母各置瓮中埋東行陰垣下三日後開之卽相從以

母血涂入十一錢以子血涂入十二錢以其錢更互市置子用母置母用子皆自還也搜神記南方有蟲名蠹蝟形

如蟬大味辛美可食其子著草葉如蠶種得其子則母飛來雖潛取必知處殺其母涂錢子涂貫用錢貨去旋則自

還陳藏器本草青疥生南海狀如蟬其子著木用以涂錢皆歸本處海藥云謹按異物志青疥生南海諸山雄雌常


處不相捨與青金色相似人探得以法末之用涂錢以貨
易晝用夜歸亦是人閒難得之物也或作青鳧白帖漢時
有青鳧錢以血涂之去又來寰宇記賓州有蠹蝮蟲郡國
志云形如蟬辛美可食子如蠶種著草葉中得其子則母
飛來就之謂之青鳧東哲云
青鳧可以還錢或云青蚨



蝮龍詹諸以脰鳴者從虫羽聲

居六切

蝮龍詹諸者本書先龍詹諸也廣韻蝮龍蝮釋蟲不蝮王
蛟馥謂蝮龍不蝮聲相近王蛟當為去蛟詹諸謂之去蛟
以脰鳴者者鄭注考工記梓人
云脰鳴龍龍屬釋文云脰頸也



蝦蟆也從虫段聲

平加切

顏注急就篇蝦蟆一名蟹大腹而短腳 釋蟲蟹
蟆郭云蛙類 易通卦驗夏至小暑蝦蟆無聲

蝦蟆也者本書蝦蟆一名蟾蜍一名鼈一名去甫一名苦
蠶生江湖池澤陶隱居云此是腹大皮上多疝瘕者陳藏
器云蝦蟆蟾蜍二物各別蝦蟆背有黑點身小能跳接百
蟲解作呷呷聲在陂澤閒舉動極急蟾蜍身大背黑無點

多疝瘕不能跳不解作聲行動遲緩在
人家溼處本經云蝦蟆一名蟾蜍誤矣



蟾蜍也從虫莫聲

莫遐切

胡注通鑑眉州眉山東有
蟾頤山狀如蟾頤因名



大龜也從虫舊聲

戶圭切

郭璞山海經圖贊水圓三方潛源溢沸靈
龜爰處掉尾養氣莊生是感揮竿敖貴

大龜也者本書觜觶觶當為觶玉篇觶觶似蟪而
薄有文郭注爾雅涪陵郡出大龜甲可以卜緣中文似蟪
蟪俗呼為靈龜郭注今觜觶龜一名靈觶能鳴東山經深澤
其中多蟪龜郭注蟪觶大龜也甲有文彩似蟪而薄

楚詞招魂露雞臠蟪注云蟪大龜也西京賦淵游龜蟪五
臣注蟪龜類也漢書揚雄傳祛靈蟪應劭曰蟪大龜也雄
曰毒冒雌曰觜蟪禮樂志馮蟪以和疏寫平晉灼曰蟪觜

屬龜屬也 以胃鳴者者鄭注考工記梓人云胃鳴榮原
屬釋文胃賈馬作
胃賈云靈蟪也

司馬相如說螻從夔

本書瓊
或從雋

漸

漸離也從虫漸省聲

慈染切

漸離也者廣韻漸離蟲名漢書司馬相如傳鱣鱮漸離通作漸史記有高漸離

漸

有二敖八足旁行非蛇鱣之穴無所庇從虫解聲

胡買切

切

太元解之郭索心不一也 傳朕解諧解鵝眼鬻足蝱腦蝟腹其爪類拳丁其螯類執鉞生於濟鄆者其色紺紫產於江南者其色青白 容齋四筆文登呂充多識草木蟲魚守官台州臨海命工作解圖凡十有二種一曰蝱蚌乃解之巨者兩螯大而無毛後兩小足薄而微潤類人之所食者然亦頗蝱蚌螯足無毛後兩小足薄而微潤類人之所食者然亦頗異其大如升南人皆呼為解八月閒盛出人採之與人鬪其螯甚巨往往能害人三日擁劍狀如解而色黃其一螯偏長

三寸餘有光四曰彭蠡螯微毛足無毛以鹽藏而貨於市爾雅曰鼓蟬小者螻云小蟬也蟬音澤蟬音勞吳人呼為彭越搜神記言此物嘗通人夢自稱長卿今臨海人多以長卿呼之五日謁朴大於彭蠡殼黑斑有文章螯正赤常以大螯障目小螯取食六曰沙狗似彭蠡壤沙為穴見人則走屈折易道不可得七日望潮殼白色居則背坎外向潮欲來皆出坎舉螯如望不失常期八曰倚望亦大如彭蠡居常東西顧睨行不四五又舉兩螯以足起望惟八穴乃止九曰石欄大於常蟬八足殼通赤狀若鷲卵十日蜂江如蟬兩螯足極小堅如石不可食十一曰蘆虎似彭蠡正赤不可食十二曰彭蠡大於蟬小於常蟬呂君云此皆常所見者北人罕見故繪以為圖又海商言海中龜鼈鳥之東一島多蟬種名甚異有虎頭者有翅能飛者有能捕魚者有殼大兼尺者以非親見故不畫李履中得其一本為作記子家楚宦游二浙聞廣所識蟬屬多矣亦不悉與前說同而所謂黃甲白蟬蟬蟬蟬蟬蟬圖不載豈名謂或殊乎故紀其詳以示博雅者 釋魚蝱蟬小者螻郭注或曰即螯蟬也似蟬而小世說新語紕漏篇蔡司徒渡江見彭蠡大喜曰蟹有八足加以二螯令烹之既會吐下委頓方知非蟹後向謝仁祖說此事謝曰卿讀爾雅不熟幾為勸學歟注云大戴禮勸學篇曰蟹二螯八足非蛇蟬

說文解字義登

卷四十二

三

之穴無所寄託者用心躁也故蔡邕為勸學章取義焉爾雅曰蝟蟬小者蝟即彭蟬也似蟹而小今彭蟬小於蟹而大於相類蔡謨不精審其小大會而致變故謂讀爾雅不熟也

有二螯八足旁行者一切經音義十六引作水蟲也八足二螯旁行也廣韻蟹水蟲玉篇蟹二螯八足急就篇鯉鮒蟹鱗鮑鮑顏注蟹八足二螯旁行大戴禮勸學篇蟹二螯八足晉書畢卓傳左手持酒杯右手持蟹螯廣韻蟹大脚也敬齋古今鞋蟹八足而二螯天下人無不識者而荀卿子謂蟹六跪而二螯楊倞云跪足也韓子以剛足為別跪螯蟹首土如鉞者許慎說文亦云蟹六足而二螯荀卿子趙人仕齊三為祭酒後適楚為蘭陵令趙齊皆有蟹而楚又蟹之鄉也荀子大儒而謂蟹六跪何邪許叔重嘗撰五經異義當時號為博物而亦以蟹為六足者非不識蟹蓋循荀子之說而忘其所以為誤耳馥案此所見本作六足埤雅蟹旁行故今里語謂之旁蟹孝經援神契蟹二螯兩端旁行注云螯猶兵也小蟲而欲兩端自衛故使旁行也鄭注考工記梓人云爪行蟹屬非蛇蟬之穴無所寄託者用心躁也庶者荀子勸學篇蟹非地蟪之穴無所寄託者用心躁也纂文蟬蛇魚也集韻蛇蟬黃質黑文爾雅翼蟬似蛇亦名

蛇蟬淮南子曰赤螭青虬之游冀州也天清地定嗜味含甘步不出頃畝之區而蛇蟬輕之以為不能與之爭於江海之中急就篇鯉鮒蟹鱗鮑鮑顏注蟬似蛇周書王會賦人會蛇蟬攝生月令四月勿食蛇蟬郭注山海經鯉魚似蛇音善淮南說林訓今蟬之與蛇狀相類而愛憎異四子講德論鮑鮒並述九罭不以為虛抱朴子田地既有自然之蟬而又有持莖萃根土龍之屬化為蟬異苑蟬亦人髮化也顏氏家訓歸心篇江陵劉氏以賣蟬羹為業字或作鮑廣韻蟬與鮑同魚似蛇南齊書周顒傳鮑之就脯驟於屈伸梁書邵陵王綸攝南徐州事問賣鮑者刺史何如對言操虐綸怒令吞鮑以死周處風土記陽羨俗五月以薺黍鮑魚會凡鮑魚夏出冬蟄亦以將陽氣和時節也胡注通鑑云鮑與蟬同鮑魚似蛇今江東溝港皆有之又通作鱸韓非內儲說鱸似蛇蠶似蠟人見蛇則驚駭見蠟則毛起然而婦人拾蠶漁者握鱸利之所狂則忘其惡說苑騰蛇暮託宿於鱸鱸之穴後漢書楊震傳後有冠雀銜三鱸魚飛集講堂前都講取魚進曰蛇鱸者卿大夫服之象也數三者法三台也先生自此升矣注云鱸音善韓子云鱸似蛇臣賢案續漢及謝承書鱸字皆作鱸然則鱸鱸古字通也鱸魚長者不過三尺黃地黑文故都講云蛇鱸卿

大夫服之象也郭璞云鱧魚長二三丈音知然反安有鶴
雀能勝二三丈乎此為鱧明矣顏氏家訓書證篇後漢書
云鶴雀銜三鱧魚多假借為鱧鮪之鱧俗之學士因謂之
為鱧魚案魏武四時會制鱧魚大如五斗匱長一丈郭璞
注爾雅鱧長二丈安有鶴雀能勝一者況三頭乎鱧又純
灰色無文章也鱧魚長者不過三尺大者不過三指黃地
黑文故都講云蛇鱧卿大夫服之象也續漢書及搜神記
亦說此事皆作鱧字孫卿云魚龍鱧鱧及韓非說苑皆曰
鱧似蛇鱧似蠟竝作鱧字假鱧為鱧其來久矣馥案杜甫
夔府詠懷詩求飽或三鱧押入先韻形聲竝誤或作鱧白
帖漢昭帝時釣得蛟長三丈帝
曰此魚鱧之類命大官為鱧

鱧或從魚

鱧也從虫危聲過委切

鱧也者集韻蛭六足者本草圖經蟹之類甚多六足者
名蛭有大毒不可食廣雅蝓蛭也其雄曰鯁鯁其雌曰
帶博

短狐也似鼈三足以氣射害人從虫或聲于逼切

洪範五行傳蝥如鼈三足生於南越南越婦人多淫故其地
多蝥淫女惑亂之氣所生也埤雅蝥畏鷲禽經鷲飛則蝥
沈臨海異物志鷲鷲水鳥食短狐
馥案杜臺卿淮賦鷲鷲尋邪而逐害

短狐也似鼈三足以氣射害人者玉篇蝥似鼈含沙射人
為害如狐也廣雅射王短狐蝥也詩何人斯為鬼為蝥傳
云蝥短狐也陸璣疏云一名射影江淮水皆有之人在岸
上影見水中投人影則殺之故曰射影南人將入水先以
瓦石投水中令水濁然後入或曰含沙射人皮肌其瘡如
疥周禮壺涿氏掌除水蟲注云水蟲狐蝥之屬竹書惠王
二年鄭人入王府多取玉玉化為蝥射人楚詞大招魂乎
無南蝥傷躬只王注蝥短狐也洪氏補注引孫真人云江

東江南有蟲名短狐蝥毒亦名射工其蟲無目而利目能
聽在山源谿水中聞人聲便以口中毒射人大荒南經有
蝥民之國射蝥是倉注云蝥短狐也似鼈含沙射人中之
則病成博物志江南山谿中射工甲蟲類也長一二寸口
中有弩形氣射人影隨所著處發瘡不治則殺人論衡言
毒篇夫毒太陽之熱氣也太陽火氣常為毒蝥氣熱也太


陽之地人民促急促急之人口舌為毒故楚越之人口唾
射人則人脈胎腫而為瘡南郡極熱之地其人祝樹樹枯
唾鳥鳥墜故南道名毒曰短狐干寶搜神記有物處於江
水其名曰蠅一日短狐能含沙射人所中者頭痛發熱劇
者至死以方術抑之則得沙石於肉中玄中記短狐者視
影蟲也其氣乃鬼也長三四寸其色黑廣寸許背上有甲
厚三分許其頭有角向前如角狀見人則氣射人去二三
步即射中人十人六七十人死鴛鴦鷺鷥蟾蜍悉會之抱朴
子登涉篇短狐一名蠅十名射工十名射影其實水蟲也
狀如鳴蜩狀燿作似三合孟有翼能飛無目而利百口中
有橫物如角弩聞人聲以氣為矢則因水而射人中人身
者即發瘡中影者亦病而不即發瘡不曉治之者殺人其
病似大傷寒不十日皆死射工冬天蟄於山谷閒大雪時
索之此蟲所在其雪不積雷氣起如灼烝掘之不過入地
一尺則得也陰乾末帶之夏天自辟射工也後漢書馬融
傳走蠅祥注云洪範五行傳曰蠅射人生於南越謂之短
狐詩蟲魚疏曰一名射景如鼈三足今俗謂之水弩也南
齊書孝義傳鄰舍人有中溪蠅毒者柳宗元嶺南詩射工
巧伺游人影春秋莊十八年秋有蠅服注蠅短狐南方盛
暑所生其狀如鼈古無今有含沙射人皮肉中其瘡如

疥癩身中淺淺蠅蠅故曰災禮曰惑君則有京房易傳忠
臣進善君不識厥咎國生蠱漢書五行志劉向以為有蜚
有蠱不言來者氣所生所謂管也楚元王傳有
蠅蜚顏注蠅短尾狐也馥案春秋之蠅螟蝗類



蠅又從國

陳藏器本草鸚鵡鳥主蠅短狐等病將鳥來病人邊則能咬
人身訖以物承之當有砂石出也其砂即是含砂射人砂是
此蟲之
箭也



似蜥易長一丈水潛吞人即浮出日南從虫首聲

五各

切

字或作鱉博物志南海有鱉魚狀似鼉斬其頭而乾之去齒
更生如此者三乃止又作鱉赤雅鱉魚一名忽雷經云海有
大魚厥名曰鱉其骨已朽其齒三作馥案韓滉製二琵琶進
文宗名曰大忽雷小忽雷言其器音響如蟬魚之鳴也又案
韓愈在潮州為文驅逐蟬即徒去宋
陳堯佐捕得一尾戮之有文記其事

似蜥易長一丈者寰宇記鰐魚狀如鼉四足身長二丈口
長四尺齒如鋸倉人為窠生卵如鷺子大灰後骨已枯齒
落更生朽盡乃止廣州異物志鰐魚長者一丈餘有四足
喙長七尺齒甚利虎及鹿渡水鰐擊之皆中斷及灰斷喙
去齒旬日更生吳都賦龜龍鱗鰐五臣注鰐魚長二丈餘
有四足似鼉喙長三尺甚利齒虎及大鹿渡水鰐擊之皆
中斷生子則出在沙上乳卵卵如鴨子亦有黃白可食
水潛吞人即浮者爾雅翼鰐魚能食人既飽浮出水上若
昏醉之狀出日南者他處亦有之梁書林邑國於城溝
中養鰐魚門外圍猛獸有罪者輒以餒猛獸及鰐不食為
無罪三日乃放之鰐大者長二丈餘狀如鼉一目四足喙
長六七尺兩邊有齒如刀劍魚常遇得麋鹿及人亦噉之
蒼梧以南及外國皆有吳時外國傳鰐魚大者長二三丈
有四足似守宮常吞倉人扶南王范尋救捕取置溝壑中
尋有所忿者縛以倉若無罪鰐不食便解放嶺表錄異鰐
魚其身上黃色有四足修尾形狀如鼉而舉止趨疾口森
鋸齒往往害人南中鹿多最懼此物如鹿走崖岸之上羣
鰐嗥叫其下鹿必怖懼落崖多為鰐魚所得亦物之相攝
伏也寰宇記惠州歸善縣鰐池池中多鰐魚因以為名

𧈧

𧈧 𧈧山川之精物也淮南王說𧈧𧈧狀如三歲小兒
赤黑色赤目長巨美髮從虫网聲國語曰木石之怪

夔𧈧

文兩切

𧈧 𧈧山川之精物也者李善注西京賦引作水神一切經
音義二說文𧈧𧈧從虫字書從鬼同通俗文木石怪謂之
魍魎言木石之精也馥案又作𧈧兩宣三年左傳故民入
川澤山林不逢不若魍魎𧈧兩莫能逢之杜注𧈧兩水神
服虔注𧈧兩木石之怪又作方良周禮方相氏𧈧方良注
云方良𧈧兩也又作𧈧𧈧史記孔子世家木石之怪夔𧈧
閭淮南王說云者一切經音義二引淮南說狀如二
歲小兒赤黑色赤目赤瓜長巨美髮也國語曰木石之
怪夔𧈧𧈧者魯語文韋注𧈧𧈧山精好噉人噉而迷惑人
也賈逵注𧈧兩𧈧象言有夔龍之形而無實體皆虛無也

𧈧

𧈧 𧈧也從虫兩聲

良獎切

善援禹屬從虫爰聲

兩元切

說文解字

卷四十一

異

一切經音義十媛五百歲化為獾獾壽千歲
 見夫元媛乎當其居桂林之中峻叢之上從容游戲超騰往
 來龍興而鳥集悲嘯長吟當此之時雖羿逢蒙不得正目而
 視也 淮南說林訓漢書景十三王傳竝作此媛字或作猿
 玉篇猿似獼猴而大能嘯也陸璣詩疏長臂者為猿列子天
 瑞篇老踰之為猿也莊子天地篇猿狙之便自山林來釋文
 司馬云言便捷見捕楚詞哀時命置猿於柵檻兮夫何以
 責其捷巧南山經堂庭之士多白猿注云今猿似獼猴而大
 臂腳長便捷色有黑有黃鳴聲甚哀說苑猿得木而挺通
 作爰漢書李廣傳為入長爰臂如涪日臂如猿臂通肩也
 善援者釋獸孫媛善援郭注便攀援釋文援猶引也考工
 記凡攬網援箬之類管子形勢解緣高而險蝮媛之所長
 而人之所短也故曰墜岸三仞人之所大難也而蝮媛飲
 焉漢書揚雄傳媛狄擬而不敢下顏注媛善攀援 禺屬
 者御覽引作鷲屬音扶沸切孝子傳猿屬 禺屬
 也或黃或黑通腫輕勤善緣能於空處輪轉

蝮

禺屬從虫翟聲

直角切

禺屬者當如釋獸作寓屬史記司馬相如傳
 蝮蝮蝮字或作翟玉篇翟似獼猴而黃

雉

如母猴印鼻長尾從虫隹聲

余季切

史記索隱雉今狄一切經音義八狄古文雉字林餘繡反江
 東名也又音餘季反建平名也 爾雅圖讚寓屬之才莫過
 於雉雨則自懸塞鼻以
 尾厥狀雖陋列象宗彝

如母猴印鼻長尾者集韻引字林雉獸名如猴印鼻長尾
 廣雅獯狙獼猴也集韻引作獼雅馥案雅即雉之別體玉
 篇雅似獼猴釋獸雉印鼻而長尾郭注雉似獼猴而大黃
 黑色尾長數尺似獼尾末有岐鼻露向上雨即自懸於樹
 以尾塞鼻或以兩指江東人亦取養之為物捷健中山經
 鬲山其獸多媛雉郭注與爾雅注畧同漢書司馬相如傳
 雉攫飛蠅張揖曰雉如母猴印鼻而長尾周禮司尊
 彝雉彝注云雉禺屬印鼻而長尾馥謂當作寓屬

蝮

北方有蚡犬倉人從虫句聲

古厚切

北方有蚡犬倉人者海內北經蚡犬如犬
 青色倉人從首始注云音陶或作蚡音鉤

蝮

蝮蝮獸也一日秦謂蟬蛻曰蝮從虫珣聲

渠容切

跳兔形皆兔也但前足纔寸許後足幾一尺行則用後足跳一躍數尺止則蹶然仆地生於契丹慶州之地大漠中予奉使日捕得數兔持歸蓋爾雅所謂縢兔也亦日蛩蛩巨驢也劉氏新論託附篇縢鼠附於蛩蛩以攀追日之步

蝙蝠也從虫扁聲

布玄切

郭氏元中記百歲之鼠化為蝙蝠陸詩曾不如老鼠鬮

飛成蝙蝠吳婁縣記太湖東邊別有小山名小洞庭有三

穴中有大蝙蝠如鳥臨海記黃石山泄水東南五峴路口

有鍾乳穴中伏翼大如鶯鴨古今注蝙蝠一名仙鼠一名

飛鼠五百歲色白腦重集物則頭垂故謂之倒挂蝙蝠會之

神仙曹植蝙蝠賦吁何姦氣生茲蝙蝠形殊性詭每變常

式行不由足飛不假翼明伏暗動盡似鼠形謂鳥不似二足

謂毛飛而含齒巢不哺齧空不乳子不容毛羣斥逐羽族下

不蹈陸上

不馮木

蝠蝙蝠服翼也從虫扁聲

方六切

蝙蝠服翼也者釋鳥文郭注齊人呼為蠟蠟或謂之仙鼠廣韻引作伏翼變化論蝙蝠應值庚申乃伏故說文一名

伏翼孝經援神契蝙蝠伏匿故夜會廣雅伏翼飛鼠仙鼠

蚘蠟也易通卦驗雨水蝙蝠出注云蝙蝠伏翼本草伏翼

一名蝙蝠唐本注云伏翼以其晝伏有翼爾方言一名仙

鼠在山孔中會諸乳石精汁皆干歲頭上有冠滄白大如

鴉鵲會之令人肥健長年其大如鴉未白者皆已百歲而

竝倒懸吳氏本草伏翼或生人家屋間方言蝙蝠自關而

東謂之服翼或謂之飛鼠或謂之老鼠或謂之仙鼠自關

而西秦隴之間謂之蝙蝠北燕謂之蠟蠟新序黃鵠白鶴

一舉千里使之與燕服翼試之堂廡之下廬室之間其便未必能過燕服翼也

南蠻蛇種從虫絲聲

莫還切

書禹貢三百里蠻馬注蠻慢也禮簡怠慢來不距去不禁鄭注蠻者聽從其俗羈縻其人目故云蠻蠻之言縉也

南蠻者廣韻蠻南夷名王制南方曰蠻雕題交趾有不火

食者矣皇氏論語義疏南有八蠻一天竺二豸首三焦僂

四歧踵五穿胸六僂首七狗軛八旁脊蛇種者本書

羌下云南方蠻閩從虫白虎通蠻虫難化執心違邪

閩東南越蛇種從虫門聲

武巾切

東南越者史記東越傳閩越王無諸注云東越之別名周禮職方氏四夷入蠻七閩鄭荅趙商入蠻在南方閩其別也。蛇種者廣韻閩越蛇種也。漢書高帝紀亾諸身帥閩中兵以佐滅秦顏注閩越今泉州建安是其地也。其人本蛇種故其字從虫。

虹

蟠螭也狀似蟲從虫工聲明堂月令曰虹始見

戶工切

一切經音義二十一天弓亦言帝弓即天虹俗云絳。裴松之三國志注虹音降。爾雅音虹雙出色鮮盛者為雄雄曰虹闇者為雌雌曰霓。釋名虹攻也純陽攻陰氣也又曰蜺。蜺其見每於日在西而見於東。吸飲東方之水氣也見於西方日升朝日始升而出見也。又曰美人陰陽不和婚姻錯亂淫風流行男美於女女美於男恆相奔隨之時則此氣盛故以盛時名之也。漢書燕王旦傳天雨虹下屬宮中飲井水。文子天有二氣則成虹。詩義問虹有赤色在上者陰乘陽氣也。尚書考靈曜注云日旁氣白者為虹。易通卦驗注云虹者陰陽交接之氣陽唱陰和之象。春秋元命苞陰陽交為虹霓。春秋運斗樞樞星散為虹霓。虹霓。河圖稽曜鉤鎮星散為虹霓。

蟠螭也者郭注山海經虹蟠螭也。漢書天文志抱珥垂蜺如滄日垂或作虹蟠螭謂之虹表云雄為虹雌為蜺。明堂月令曰虹始見者月令季春之月虹始見注云蟠螭謂之虹蔡氏章句虹蟠螭也陰陽交接之氣著於形色者也。雄曰虹雌曰蜺虹常依陰雲而晝見於日衝無雲不見太陰亦不見率以日西見於東方故詩云蟠螭在東蜺常依蒙濁見日旁白而直者曰白虹凡日旁者四時常有之惟雄虹起季春見至孟冬乃藏周書時訓解虹不見婦人苞亂呂氏春秋季春紀虹始見注云虹蟠螭也兗州謂之訂京房易傳蜺四時有之惟雄虹見藏有月。

籀文

虹從申申電也

本書陳古

從申申電也者釋天疾雷為霆霓春秋震電穀梁以電為霆馥案從申即霆霓之義

蟠

蟠螭虹也從虫帶聲

都計切

蟠螭虹也者釋天文郭注俗名美人虹字或作蜺詩鄘風蜺蜺在東傳云蜺蜺虹也正義云此與爾雅字小異音實

說文解字義證

卷四十二

序

同詩又云朝隋于西崇朝其雨箋云朝有升氣於西方終其朝則雨氣應自然正義云視履注云隋虹也詩云朝隋于西則隋亦虹也由升氣所為故號虹為隋鄭司農亦云隋者升氣是也

𧈧

蝶竦也從虫東聲

多貢切

𧈧

衣服歌謠艸木之怪謂之祱禽獸蟲蝗之怪謂之蠶

從虫辟聲

魚劉切

衣服歌謠云云者一切經音義四引云衣服歌謠之怪謂之妖禽獸蟲蝗之怪謂之蠶蠶災也廣韻蠶祱蠶釋名蠶稟也遇之如物見髮稟也通作孽白虎通孽者何謂也曰介蟲生非常尚書大傳曰時則有介蟲之孽時則有龜孽漢書五行志凡草物之類謂之妖妖猶天胎言尚微蟲豸之類謂之孽孽則身稟矣禮樂志妖孽休息昭十年左傳濫利生孽注云孽妖害也吳語以妖孽吳國大戴禮四代篇委利生孽中庸必有妖孽何休膏肓昔周公之隆天不出妖地不出孽

文一百五十三

重十六

蟄

見螻下

始


廣韻引

黑員

蟪

說見蟪下

遺文三



說文解字第十三 義證弟四十三

曲阜桂馥學

𧈧

蟲之總名也從二虫凡虫之屬皆從虫讀若昆

古魂切

蟲之總名也者凡從虫者皆小蟲夏小正虫小蟲也虫魂也魂魂然小蟲動也讀若昆者經典通用昆字夏小正傳昆者衆也王制昆蟲未蟄不以火田禮運故無水旱昆蟲之災荀子富國篇然後昆蟲萬物生其閒注云昆蟲蚘蝻蝻范之屬也

𧈧

吐絲蟲從虫替聲

昨含切

釋蟲蟪桑繭郭注倉桑葉作繭者即今蠶書禹貢桑土既蠶又云厥貢漆絲傳云宜桑蠶春秋考異郵陽物火惡水

故蠶會而不飲陽立於三春故蠶三變而後消於於三七二十一日而化東方朔別傳天公問臣下方人何衣臣對曰衣蟲蟲何若臣對曰蟲喙頰頰類馬色邠邠類虎天公大怒以

臣為謾使使下問還報名曰蠶天公乃出臣荀子賦篇帝占之曰此夫身女好而頭馬首者與屢化而不壽者與善壯而拙老者與有父母而無牝牡者與冬伏而夏游食桑而吐絲前亂而後治夏生而惡暑喜溼而惡雨蛹以為母蛾以為父三俯三起事乃大已夫是之謂蠶理

吐絲蟲者小字本李燾本張次立本復古編集韻字鑑六書故竝作任絲也本書初刻亦作任絲後復改之廣韻類篇增韻作吐絲蠶元中記漢人曰吾國有蟲大如小指名曰蠶食桑葉為人吐絲外國復不信有之淮南覽冥訓蠶頭絲而商弦絕高注蠶上下絲於口為強絲

我

蠶化飛蟲從虫我聲

五何切

蠶化飛蟲者通作蛾大戴禮易本命篇食桑者有絲而蛾古今注元帝永元四年東萊郡東牟山有野蠶為繭繭生蛾蛾生卵論衡無形篇蠶食桑老績而為繭蠶又化而為蛾蛾有兩翼變去蠶形唐書于闐傳初無桑蠶丐鄰國不肯出其王即求婚許之自是始有蠶女刻石約無殺蠶蛾飛盡得治繭廣志有蠶蛾有天蛾凡草木蟲以蛹化為蛾

甚眾

我 或從虫

或從虫者本書虫部有蛾字

𧈧

𧈧人跳蟲從虫又聲又古爪字

子皓切

關尹子六匕篇我之一身內變蟻蚋外烝蚤蚤易林坤之漸探懷得蚤趙壹解檳賦丹鴻可殺蚤蚤淮南萬畢術昌羊去蚤蚤字或作蠶論衡遭虎篇蠶蚋聞蚤皆食人案即蚤蚤蠶蠶𧈧𧈧人跳蟲者莊子釋文引作跳蟲𧈧人者也曹植曰得蚤者莫不糜之齒牙為害身也杜夷幽求羈蚊絆蚤又古爪字者徐錯本無此文

𧈧

蚤或從虫

𧈧

𧈧人蟲從虫𧈧聲

所櫛切

說文解字義登

卷四十三

二

以伺行旅張罍蜘蛛賦伊蜘蛛之為蟲縱微性乎天壤吐自然之織緒先皇義而結網漢書律歷志造計秒忽注云忽起於蜘蛛絲言其微也

𧈧 蠱也從虫牙聲 莫交切

爾雅作蚤釋文蚤說文作蚤音茅

𧈩 蟲也從虫宀聲 奴丁切

蟲也者廣韻蠱蝮姑

𧈪 蠱也從虫瞽聲 財牢切

蠱蠱也者說見蠱下

𧈫 蝮也從虫牽聲 胡葛切

釋蟲蝮蝮蝮郭注蝮蝮蝮蝮類通作蝮方言蝮蝮或謂之蝮蝮

𧈬 蟲蛸也從虫卑聲 匹標切

蟲蛸也者本書蛸蟲蛸堂蛸子集韻蟲蛸蝻蝻卵字或作蝶一切經音義四蝶與蟬同蟬蛸子也

𧈭 蟲或從虫

𧈮 飛蟲螫人者從虫逢聲 敷容切

飛蟲螫人者者字林同一切經音義十二引作螫人者也廣韻引作螫人飛蟲也玉篇蠶螫人飛蟲也方言蠶燕趙之閉謂之蝶螫孝經援神契蠶蠶垂苾字或作蜂論衡言毒篇江北地燥故多蜂蠶江南地濕故多蝮蛇生高燥比陽陽物懸垂故蜂蠶以尾刺生下濕比陰陰物柔伸故蝮蛇以口齧

𧈯 古文省

徐鍇韻譜作蠶按戈當為又

𧈰 蠶甘節也一曰螟子從虫肅聲 彌必切

釋詁 蠶沒勉也釋文云蠶本或作蠶說文曰蠶古蜜字馥案
詩谷風黽勉同心文選注引韓詩作密勿同心十月之交
勉從事漢書劉向傳作蜜勿從事士冠禮設局竈注云
古文竈爲密玉篇蠶與蠶同勉也又蠶甘飴也今作蜜
蠶甘飴也者廣韻蠶蜂所作食韻集蜜蜂采百草華所作
也裴松之上三國志注表蜜蠶以兼采爲味故能甘諭本
質劉根墨子枕中記百花釀蜜風俗記有蚘拱居孕靈生
息挹采衆華以釀甘澤通鑑吳主使黃門至中藏取蜜注
云蜜蜂糖也博物志遠方諸山出蜜蠶其處人家有養蜂
者其法以木爲器開小孔纜容蜂出入以蜜蠟涂器安著
簷前春月此蜂有時來過人家園垣者捕取得三兩頭便
內著器中數宿出蜂飛去尋將伴來還經日漸益不可復
數至夏開器取蜜蠟所得多少隨歲中所宜豐儉郭璞蜜
蜂賦咀嚼華滋釀以爲蜜自然靈化莫識其術散似甘露
凝如割肪冰鮮玉潤髓滑蘭香百藥須之以諧和扁鵲得
之而術良爾雅翼今宛陵有黃連蜜色黃而味小苦雍洛
陽有梨花蜜色如凝脂臺州太清宮有檜花蜜色小赤南
京柘城縣有何首身蜜色更赤各隨所采花色而性之溫
良亦相近孔帖蜀中有竹蜜其蜂好於野竹上結窠與蜜
並紺色可愛甘倍於常蜜本草石蜜一名石飴味甘杜陽

編貞元八年吳明國貢鸞蜂蜜蜂之聲有如鸞鳳其蜜色
碧常貯之於白玉椀表裏徹如碧琉璃魏文帝詔蜀人作
會喜著節蜜魏略新城孟太守道蜀豬豚雞
鶩味皆淡故蜀人作會喜著節蜜以助味

𧈧 蠶或從宀

巨 蠶也從虫巨聲 強魚切

蠶也者 說見蠶下

𧈧 蠶人飛蟲從虫民聲 無分切

漢書景十三王傳聚蠶成雷顏注蠶古蚊字 通俗文蜎化
爲蚊 淮南說林訓子下爲蜎 東方朔別傳郭舍人曰願
問朝一事朝得臣願榜百朝窮臣當賜帛曰客從東方來歌
謳且行不從門入踰我垣牆遊戲中庭上入殿堂擊之桓桓
灰者攘攘格鬪而灰主人被創是何物也朝曰長喙細身晝
亾夜孛嗜肉惡烟爲掌指所捫臣朝愚鷃名之曰蠶舍人辭
窮當復 脫禪

齧人飛蟲者本書蠹也傳選蚊賦鳴味銳於秋毫刺鋸利於芒錐無胎卵而化孕有薄翼而能飛肇孟夏以朋起迄季秋而不衰眾繁熾而無數動羣聲而成雷肆慘毒於有生餐膚體以療飢金樓子齊威公臥於柏寢白鳥營飢而求飽因開翠紗之幃進蚊子焉其蚊有知禮者不食公之肉而退有知足者樂公之肉而退有不知足者遂長噓短吸而食之及其飽也腹為之潰

蠹或從昏以昏時出也

俗蠹從虫從文

𧈧 齧人飛蟲從虫𧈧聲 武庚切

廣雅蠹能蝕也 楚語蚩蠹之既多車注大日蚩小日蠹 齧牛者呼牛蝨說苑說叢篇蚊蝨走牛羊史記項羽本紀夫搏牛之蝨不可以破蟻蝨牟子昔公明儀為牛彈清角之操伏食如故轉為蝨蝨之聲則翹尾而躡蹠

𧈧 木中蟲從虫𧈧聲 當故切

木中蟲者廣韻蠹食木蟲也一切經音義七引字林蠹木中蟲也襄三十一年左傳其暴露之則恐燥溼之不時而朽蠹秦策秦之有韓若木之有蠹呂氏春秋達鬱篇樹鬱則為蠹高注蠹蝸木中之蟲也文子木生蠹還自食說苑辯物篇師曠曰木自生蠹而還自刻也商子修權篇蠹於而木折顏延之廷誥文蠹壯則桂折韓非子徵篇木之折也必通蠹史記范雎傳譬如木之有蠹也易林木生內蠹上下相賊四子講德論樹木者憂其蠹後漢書皇后紀遂忌灌蠹注云蠹食木蟲漢書南粵傳桂蠹一器論衡商蟲篇桂有蠹桑有蠹

蠹或從木象蟲在木中形譚長說

𧈧 蟲齧木中也從虫𧈧聲 盧啟切

蟲齧木中也者集韻蠹蟲名玉篇蠹蠹薄之而欲破也孟子以追蠹趙注追鐘鈕也鈕壁齧處深矣蠹蠹欲絕之兒也馥謂蠹齧木木欲折之象也 象聲者當從象誤作豕

𧈧 古文

汗簡引
作蠹

多足蟲也從虫求聲巨鳩切

多足蟲也者聲類同戴侗曰蠹蝮似小蜈蚣色青黑足長溺人則瘡熱沸說文作蠹一切經音義九通俗文務求謂之蚊蠹關西呼蚤洩為蚊蠹廣雅蝮蝮也周禮赤友氏凡隙屋除其狸蟲注云狸蟲廣肌蝮之屬西陽雜俎古蠹蝮短狐踏影蟲皆中人影為害博物志蝮蝮溺人景隨所著處生瘡盧氏曰塗以雞腸草經日即愈段氏曰治以莎衣淮南說林訓曹氏之裂布蝮者貴之高云楚人名命為曹今俗閉以始織布繫著其旁謂之曹布燒以傳蝮蝮瘡則愈故蝮者貴之

或從虫

蚩蠹也從虫囊聲縛牟切

郭璞爾雅圖讚蚩蝮瑣劣蟲之不才感陽而出應雨構臺物之無懷自然知來又蚩蝮賦感萌陽以潛出知將雨而封穴

伊斯蟲之愚昧乃先識而似哲

蚩蠹也者本書蝮蚩蝮也蠹蚩蝮大蝮也方言蚩蝮齊魯之閒謂之蚩蝮西南梁益之閒謂之元蚩燕謂之蛾蚩釋蟲蚩蝮大蝮郭注俗呼為馬蚩蝮

或從虫從孚

蝮會也從虫雋聲子克切

蝮會也者集韻作蝮會創也馥謂會當為蝮本書蝮敗創也

蝮動也從虫瞢聲尺尹切

蝮動也者釋詁蝮動也又蝮作也注云蝮動作也方言蝮作也注云謂動作也書大禹謨蝮茲有苗傳云蝮動詩采芑蝮爾蠻荆傳去蝮動也釋名春蝮也萬物蝮然而生也鄉飲酒義春之為言蝮也鄭注蝮動生之貌也考工記梓人張皮侯而棲鴟則春以功注云春讀為蝮蝮作也出也八十一難經萬物之始生諸蝮行喘息蝮飛蠕動當生之

物莫不以春而生吳都賦萬物蠢生五臣云蠢動也昭二十四年左傳今王室實蠢蠢焉杜注蠢蠢動擾貌

古文蠢從戠周書曰我有戠于西

廣雅戠出也魏三體石經
粵茲戠今王室實戠戠焉

周書曰我有戠于西者大誥文彼云有大戠於西土西土人亦不靜越茲蠢鄭注周民亦不定其心騷動言以兵應之閻若璩曰按說文所引書重在字多約其成文如重戠字則約有大戠于西土西土人亦不靜越茲蠢為我有戠于西非真有是句他可類推

文二十五 重十三

尉蝮

釋蟲蝮飛螳陸德明本作蝮云說文字林從蝮

遺文一

有足謂之蟲無足謂之豸從三虫凡蟲之屬皆從蟲

直弓切

文子九守篇精氣為人粗氣為蟲王逸九思蟲豸今夾余

有足謂之蟲無足謂之豸者釋蟲文漢書五行志蟲豸之類顏注有足謂之蟲無足謂之豸史記黃帝本紀清化鳥獸蟲蛾正義蛾音豸直氏反爾雅曰有足曰蟲無足曰豸顧炎武曰莊子在宥篇災及草木禍及止蟲止當作豸古止豸通用左傳宣十七年庶有豸乎豸止也從三虫者爾雅釋文三虫為蟲有足者也

蟲會艸耜者從蟲象其形吏抵冒取民財則生莫浮切

蟲會艸耜者者藝文類聚引作蟲會苗根者也廣韻蠹會穀蟲成十三年左傳帥我蠶賊以來蕩搖我邊疆杜注蠶賊會禾稼蟲名昭二十二年傳蠶賊遠屏杜注會根曰蠶

會節曰賊文選謝靈運詩信能定蠶賊李善云會根曰蠶會節曰賊通作蠶釋蟲會根蠶釋文本亦作蟬說文作蠶

蟬古蠶字詩桑柔降此蠶賊箋云蟲會苗根曰蠶會節曰

賊後漢書馮衍傳攘其蠹賊岑彭傳輿人歌曰我有蠹賊
岑君過之注並云蠹賊倉禾稼蟲名象其形者當云矛
馨本從古文矛傳寫謬謬後人不識遂改諧馨為象形
吏抵冒取民財則生者抵冒當為抵冒通作冒京房易傳
臣安祿茲謂貪厥災蟲蠹倉根李巡曰蠹倉禾根者言其
稅取萬民財貨故云蠹也文十八年左傳貪于飲倉冒于
貨賄注云冒亦貪也成十二年傳諸侯貪冒襄四年傳在
帝夷羿冒于原獸杜云冒貪也周語其君貪冒辟邪韋注
冒抵冒也晉語有冒上而無忠下韋注冒抵冒言貪也史
記伯夷列傳衆庶馮生索隱鄒誕生作每生每者冒也冒
卽貪之義文選運命論古之仕者蓋以官行其義不以利
冒其官也御覽七百九十四引風俗通氏差抵冒貪饜至
歿好利晉書賈模傳貪冒聚斂宋書鄧琬傳抵冒王威隋
書楊素傳素貪冒財貨盛宏之荆州記飲貪泉者輒冒於
財賄漢書趙充國傳抵冒渡澗水顏注冒音莫北反
馥案冒通作墨謚法貪以敗官曰墨冒墨馨相近

𧈧

蠹或從攷

本書虫部
有蚤字

𧈧

古文蠹從虫從牟

本書虫部以蚌為蚤之古文 詩大田及其蠹賊傳云倉根
曰蠹釋文本又作蚌 漢張壽碑蚌賊不起王元賓碑蚌賊

屏遠

𧈧

蚘蟉大螳也從蟲虺聲

房脂切

蚘蟉大螳也者釋蟲
文廣雅蟹蟉蟉也

𧈧

蠶或從虫比聲

𧈧

𧈧也從蟲兩聲

武巾切

𧈧

臭蟲負蟻也從蟲非聲

房未切

臭蟲負蟻也者廣韻蜚蜚盧蟲也一名蜚卽負盤臭蟲也
玉篇蜚蟻蜚卽負盤臭蟲廣雅負蟻蟻也爾雅釋蟲蜚蟻
蜚郭注蜚卽負盤臭蟲左傳正義引作蟻蜚隱元年左傳
有蜚注云蜚負蟻也顏注漢書五行志蜚謂負蟻也蜚亦

作蟹其音同巨又注楚元王傳蜚負蟻也郭注山海經蜚負盤也爾雅翼蜚者負盤臭蟲也似蠶而輕小能飛生草中好以清旦集稻上食稻花田家率以蚤作撥拾置他所至日出則皆散去不可得矣既食稻花又其氣臭惡能燻稻使不蕃春秋書之當由此爾今人謂之蜚盤蟲亦曰香娘子本草蜚蠊生晉陽山澤及人家屋閣陶云形亦赤似蟪蛄而輕小能飛本在草中八月九月知寒多人人家屋裏逃爾有兩三種以作廉薑氣者為真南人亦噉之唐本注云此蟲味辛辣而臭漢中人食之言下氣名曰石薑一名盧蟹一名負盤別錄云形似蠶蛾腹下赤此即南人謂之滑蟲者也蜀圖經去金州房州等山人噉之謂之石薑多在林樹間百十為聚陳藏器云蘇云戎人重薰渠猶巴人重負蟻按飛廉一名負盤蜀人食之辛辣也

非心 蠱或從虫

𧈧

腹中蟲也春秋傳曰皿蟲為蠱淫溺之所生也梟磔

灰之鬼亦為蠱從蠱從皿皿物之用也

宣八年左傳晉胥克有蠱疾風俗通祀典篇雞頭可以治蠱

腹中蟲也者一切經音義二引說文蠱腹中蟲也謂蟲行毒也又引聲類蠱蟲物病害人也周禮庶氏掌除毒蠱注云毒蠱蟲物而病害人者宋書顧覲之傳時沛郡相縣唐賜往北邨飲酒還因得病吐蠱蟲十餘枚顧野王輿地志江南數郡有畜蠱者主人行之以殺人行食飲中人不覺也其家絕滅者則飛游安走中之則燬春秋傳曰皿蟲為蠱淫溺之所生也者昭元年左傳文彼云晉侯求醫於秦秦伯使醫和視之曰疾不可為也是謂近女室疾如蠱非鬼非食或以喪志趙孟曰何謂蠱對曰淫溺惑亂之所生也於文皿蟲為蠱穀之飛亦為蠱在周易女惑男風落山謂之蠱皆同物也杜注文文字也皿器也器受蟲害者為蠱晉語平公有疾秦景公使醫和視之出口不可為也是謂遠男而近女或以生蠱非鬼非食或以喪志又云物莫伏於蠱莫嘉於穀故食穀者書選男德以象穀明宵靜女德以伏蠱慝今君一之是不饗穀而食蠱也是不昭穀明而皿蠱也夫文蟲皿為蠱吾是以云馥案本書淫溺張次立本作晦淫小字本李燾本韻會並同六書故晦淫近女者生內熱惑亂之疾為蠱病尸注者蠱食其五藏亦謂之

蠱一切經音義二蠱聲類弋者反周易作治治容誨姪劉
璣曰治妖治也謂恣態之兒也揚慎曰易治容誨淫太平
廣記引作蠱容誨姪左傳女惑男曰蠱國語蠱女縱欲張
平子西京賦妖蠱艷夫南都賦侍者蠱媚五臣注作治媚
馬融廣成頌古治子作蠱字馥案釋詁蠱疑也左傳注蠱
惑疾故訓疑 泉磔成之鬼亦為蠱者史記封禪書秦德
公作伏祠磔狗邑四門以禦蠱菑索隱按樂彥云左傳皿
蟲為蠱梟磔之鬼亦為蠱故月令云大雩旁磔注云磔攘
也厲鬼亦為蠱將出害人旁磔於四方之門秦本紀德公
二年初伏以狗禦蠱馥案蠱也風動蟲生故磔狗止風
以禦蠱鄭司農注大宗伯去若今時磔狗祭以止風郭注
爾雅云今俗當大道中磔狗云以止風 皿物之用也者
釋器康謂之蠱易蠱卦虞翻曰蠱者事也備物治用詩鴉
羽王事靡盬傳云盬不攻緻也正義云盬為蠱字異義同
昭元年左傳云於文皿蟲為蠱穀之飛亦為蠱杜預云皿
器受蟲害者為蠱穀久積則變為飛蟲名曰蠱然蟲害器
敗穀者皆謂之蠱是蠱為不堅牢不攻緻之意也此云盬
不攻緻四牡傳云盬不堅固其義同也馥案采薇箋亦云
盬不堅固也通作苦史記禹本紀器不苦
蠱子華子佼麗之苦蠱也而醜則堅牢

文六 重四



八風也東方曰明庶風東南曰清明風南方曰景風

西南曰涼風西方曰閭闔風西北曰不周風北方曰

廣莫風東北曰融風風動蟲生故蟲八日而化從虫

凡聲凡風之屬皆從風

方戎切

釋名風竟豫司橫口合唇言之風汜也其氣博汜而動物也
青徐言風馭口開唇推氣言之風放也氣放散也 五經通
義陰陽散為風風氣無根也 孫子火攻篇月在箕壁翼軫
凡此四宿風起之日也 夏小正正月時有俊風傳云俊者
大也大風南風也何大於南風也曰合冰必於南風解冰必
於南風生必於南風收必於南風故大之也 漢書五行志
傳曰思心之不容是謂不聖厥咎霧厥罰恆風厥極凶短折
時則有脂夜之妖一日夜妖者雲風竝起而杳冥故與常風
同象也溫而風則生螟螣有裸蟲之孽劉歆思心傳曰時則
有蠃蟲之孽謂螟螣之屬也庶徵之常風京房易傳曰賦斂

不理茲謂禍厥風絕經緯止即溫溫即蟲公常於利茲謂亂
 厥風微而溫生蟲蝗害五穀棄正作淫茲謂惑厥風溫頓蟲
 起害有益人之物魏志和洽傳太和中散騎常侍高堂隆
 奏時風不至而有休廢之氣必有司不勤職事以失天常也
 八風也者易說卦傳與為雞九家易云應八風也風應節
 而變變不失時雞時至而鳴與風相應也樂記八風從律
 而不姦昭二十年左傳五聲和八風平柱注八方之氣謂之八
 風襄二十九年傳吾驟歌北風又歌南風南風不競杜注歌
 者吹律以訊八風禮說風萌也養物成功所以八風象八
 卦也五經通義八風者八卦之風八風以時至則陰陽變
 化之道成萬物得以時育生也符瑞圖八風循通八方之
 風應時而至也孝經援神契德至八方則祥風至河圖括
 地象天有八氣地有八風太元元規篇剛割匏竹草木土
 金擊彈石絲以和天下規擬之八風文選補匏竹草木土
 扇江賦八風不翔北史封軌傳明堂八窗者通八風東
 方至東北云云者廣雅八風東北條風東方明庶風東南
 清明風南方景風西南方涼風西方閭闔風西北方不周
 風北方廣莫風隱五年左傳夫舞所以節八音而行八風
 服注八卦之風乾音石其風不周坎音革其風廣莫艮音

匏其風融震音竹其風明庶與音木其風清明離音絲其
 風景坤音土其風涼兌音金其風閭闔賈注兌為金為閭
 闔風也乾為石為不周風也坎為革為廣莫風也艮為匏
 為融風也震為竹為明庶風也巽為木為清明風也離為
 絲為景風也坤為土為涼風也周語如是而鑄之金磨之
 石繫之絲木越之匏竹節之鼓而行之以遂八風韋注正
 西曰兌為金為閭闔西北曰乾為石為不周正北曰坎為
 革為廣莫東北曰艮為匏為融風正東曰震為竹為明庶
 東南曰巽為木為清明正南曰離為絲為景風西南曰坤
 為民為涼風易稽覽圖冬至十一月中廣漠風春分二月
 中明庶風夏至五月中凱風秋分八月中閭闔風立春正
 月節條風立秋七月節涼風馥案八風闕二文不完也易
 通卦驗東北曰條風東方曰明庶風東南曰清明風南方
 曰景風西南曰涼風西方曰閭闔風西北曰不周風北方
 曰廣莫風條風又名融風景風一名凱風又云冬至廣莫
 風至誅有罪斷大刑立春條風至赦小罪出稽畱春分
 庶風至正封疆修田疇立夏清明風至出幣帛禮諸侯夏
 至景風至辨大將封有功立秋涼風至報土功祀四鄉秋
 分昌益風至解懸垂琴瑟不張立冬不周風至修宮室完
 邊城八風以時則陰陽變化道成萬物得以育生王當順

八風行八政當八卦也注云明庶昭達庶物之風清明風
景清潔之風景風長大萬物之風涼風風有寒炁昌益蓋
藏物之風不周風周達萬物之不及時者易乾元序制記
坎初六冬至廣莫風六四立春條風震初九春分明庶風
九四立夏溫風離初九夏至景風九四立秋涼風兌初九
秋分閭闔風霜下九四立冬始冰不周風春秋考異郵陽
立于五極于九五九四十五日一變風以陰合陽故八卦
主八風相距各四十五日又云八風殺生以節翱翔距冬
至四十五日條風至條者達生也四十五日明庶風至明
庶者迎衆也四十五日清明風至清明者精芒挫收也四
十五日景風至景者強也強以成之四十五日涼風至涼
風者寒以閉也四十五日閭闔風至閭闔者當寒天收也
四十五日不周風至不周者不交也陰陽未合化也四十
五日廣莫風至廣莫者精太滿也風之爲言萌也其立字
虫動於凡中者爲風注云距猶起也自冬至後四十五日
而立春此風應其方而來生萬物明庶春分之候言衆庶
也陽以施惠之恩德迎衆物而生之清明立夏之候也挫
猶止也時齊麥之屬秀出已備故挫止其鋒芒收之使成
實景風夏至之候也強言萬物強盛也涼風立秋之候也
閉收也言陰寒收成萬物也閭闔秋分之候也閭闔盛也

時盛收物蓋藏之間或爲常不周立冬之候也未合化言
消息純坤無陽也月令曰天地不通而閉塞成冬也廣莫
冬至之後也言冬物無見者風精大滿美無偏虫動於凡
中言陽氣無不周也明昆蟲之屬得陽乃生遇陰則死故
風爲陰中之陽者也呂氏春秋有始篇何謂八風東北曰
炎風東方曰滔風東南曰熏風南方曰巨風西南曰凄風
西方曰飈風西北曰厲風北方曰寒風高注炎風民氣所
生一曰融風滔風震氣所生一曰明庶風熏風或作景風
翼氣所生一曰清明風巨風離氣所生一曰凱風詩曰凱
風自南淒風坤氣所生一曰涼風颯風兌氣所生一曰閭
闔風厲風乾氣所生一曰不周風寒風坎氣所生一曰廣
莫風淮南天文訓何謂八風距日冬至四十五日條風至
條風至四十五日明庶風至明庶風至四十五日清風至
至清明風至四十五日景風至景風至四十五日涼風至
涼風至四十五日閭闔風至閭闔風至四十五日不周風
至不周風至四十五日廣莫風至高注條風艮卦風一名
融明庶風震卦風清明風巽卦風景風離卦風涼風坤卦
風閭闔風兌卦風不周風乾卦風廣莫風坎卦風又地形
訓何謂八風東北曰炎風東方曰颯風西方曰飈風西北曰麗風南方
曰巨風西南曰涼風西方曰颯風西北曰麗風北方曰寒

風高注炎風艮氣所生條風震氣所生景風巽氣所生巨
風離氣所生涼風坤氣所生颯風兌氣所生麗風乾氣所
生寒風坎氣所生地訓又云諸稽攝提條風之所生也
通視明庶風之所生也赤奮若清明風之所生也共工景
風之所生也諸比涼風之所生也皋稽闔闔風之所生也
隅強不周風之所生也窮奇廣莫風之所生也史記律書
不周風居西北主殺生廣莫風居北方廣莫者言陽氣在
下陰莫陽廣大也故曰廣莫條風居東北主出萬物條之
言條治萬物而出之故曰條風明庶風居東方明庶者明
衆物盡出也清明風居東南維主風吹萬物而西之軫景
風居南方景者言陽氣道竟故曰景風涼風居西南維主
地地者沈奪萬物氣也闔闔風居西方闔者倡也闔者藏
也言陽氣道萬物闔黃泉也白虎通入風風者何謂也風
之爲言萌也養物成功所以象八卦陽立於五極於九五
九四十五日變變以爲風陰合陽以生風也距冬至四十
五日條風至條者生也四十五日明庶風至明庶者迎衆
也四十五日清明風至清明者清芒也四十五日景風至
景大也陽氣長養也四十五日涼風至涼寒也行陰氣也
四十五日昌益風至昌益者戒收藏也四十五日廣莫風至廣
至不周者不交也陰陽未合化也四十五日廣莫風至廣

莫者大也開陽氣也故曰條風至地暖明庶風至萬物產
清明風至物形乾景風至棘造實涼風至黍禾乾昌益風
至生薺麥不周風至蟄蟲匿廣莫風至則萬物伏是以王
者承順之條風至則出輕刑解稽畱明庶風至則爵有德封疆
理田疇清明風至則出幣帛使諸侯景風至則爵有德封有
功涼風至報地德化四鄉昌益風至則申象刑飭困倉不
周風至則築宮室修城郭廣莫風至則斷大辟行獄刑物
理論風者陰陽亂氣激發而起者也猶人之內氣因喜怒
哀樂激越而發也故春氣溫其風溫以和喜風也夏氣盛
其風熯以怒怒風也秋氣勁其風清以貞清風也冬氣實
其風慘以烈固風也此四正之風也又有四維之風東北
明庶風物出幽入明也東南融風其道以長也西南清明
百物備成也西北不周方潛藏也此八風者方土異氣徐
疾不同和平則慎違逆則凶非有使之者也氣積自然怒
則飛沙揚礫發屋拔樹喜則不搖枝動草順物布氣天性
自然之體也劉氏新論辨樂篇調八風之韻袁孝政注云
東北方條風東方明庶風東南方清明風南方景風西南
方涼風西方闔闔風西北方不周風北方廣莫風通典八
音者八卦之音卦各有風謂之八風也一曰乾之音石其
風不周二曰坎之音革其風廣莫三曰艮之音匏其風融

四曰震之音竹其風明庶五曰巽之音木其風清明六曰
離之音絲其風景七曰坤之音土其風涼八曰兌之音金
其風闐闐馥馥案此皆總言八風又有散見者禮斗威儀王
者乘火而王其改昇平則祥風至宋均云即景風也其來
長養萬物符瑞圖翔風者瑞風也注云一名景風又立冬
北方廣莫風至注云一名寒風又冬至東北融風至注云
一名焱風後漢書和帝紀須景風紹封以章厥功馮異傳
將及景風章敘舊德京房易占立秋坤王涼風用事立冬
乾王不周風用事冬至坎王廣莫風用事月令孟秋之月
涼風至月令占候圖立秋時申西南涼風至易通卦驗
涼風至而鶴鳴闐闐風至而蜻蛉吟李尤廣陽門銘廣陽
位孟厥月在申涼風從時白露已紛易說秋分闐闐風至
吳越春秋子胥為吳造大城陸門八象天之八風立闐闐
者象天門通闐闐風也羽獵賦帝將惟田於靈之囿開北
垠受不周之制五臣云不周西北之風其風殺物故王者
取之以為制法也鄉飲酒義天地嚴凝之氣始於西南而
盛於西北此天地之尊嚴氣也李尤夏門銘夏門值孟位
月在亥不周用事元明幽晦西山經不周之山注云此山
形有缺不周而處因名云西北不周風自此山出朱震曰
連山首良者八風始於不周實居西北之方七宿之次是

為東壁營室於辰為亥於律為應鐘於時為立冬此顓帝
之歷所以首十月也詩北風傳云北風寒涼之風江賦廣
莫颺而氣整海賦廣莫至而北征五臣云廣莫北風也風
至則北行世說鼻如廣莫長風注云蓋北風也一日寒風
昭十八年左傳丙子風梓慎曰是謂融風杜注東北曰融
風正義融風易緯作調風俱是東北風一風有二名張晏
曰融風立春木風也火之母也火所始生也淮南子曰東
北曰炎風高誘以為良氣所生也炎風一曰融風後漢書
蔡邕傳融風動而魚上冰冰注云融風良之風也李尤上
東門銘上東少陽厥位在寅條風動物月惟孟春風動
蟲生故蟲入日而化者一切經音義七八風中南方曰景
風風動蟲生也春秋考異郵二十九十八入主風精為蟲八
日而化風烈波激故其命字從虫虫之為言屈中也論衡
商蟲篇夫蟲風氣所生蒼頡知之故凡虫為風蟲之字取
氣於風故八日而化生馥案或誤為八月大戴禮易本命
篇二十九十八入主風風主蟲故蟲八月化也家語本命解
亦作八月淮南地形訓凡人民禽獸萬物貞蟲各有以生
或奇或偶或飛或走莫知其情惟知通道者能原本之天
一地二人三三三而九九九八十一一主日日數十日主
人人故十月而生入九七十二二主偶偶以承奇奇主辰

辰主月月主馬馬故十二月而生七九六十三主斗
主犬犬故三月而生六九五十四主時時主彘彘故四
月而生五九四十五主音音主猿猿故五月而生四九
三十六六主律律主麋鹿麋鹿故六月而生三九二十七
七主星星主虎虎故七月而生二九一十八主風風主
蟲蟲故八月而化馥案前皆言生故以月計此獨言化當
以日計螟蠕化為
螺蠃實八日也

古文風

𩇛

北風謂之颯從風涼省聲

呂張切

北風謂之颯者釋天文彼作涼釋文云涼本作古颯字廣
雅颯風也詩北風其涼傳云北風寒涼之風 涼省聲者

當為
京聲

𩇛

小風也從風尤聲

黠聿切

小風也者玉篇颯
小風兒廣韻同

𩇛

扶搖風也從風焱聲

甫遙切

扶搖風也者初學記引作疾風也一切經音義十六颯暴
風也字从焱从大非火也廣雅颯風也莊子逍遙游搏扶搖羊角而
颯瀟其濛我兮注云颯風也莊子逍遙游搏扶搖羊角而
上者九萬里淮南原道訓扶搖挾羊角而上高注扶搖
如羊角曲縈而上也覽冥訓降扶風雜凍雨高注扶風疾
風琴賦凌扶搖兮憩瀛洲通鑑權翼諫符堅曰譬如蒼鷹
每間風颯之起常有凌霄之志注云颯扶搖風也疾風自
上而下曰颯通作焱漢書刑法志焱起雲合韓安國傳至
如焱風顏注竝云焱疾風也司馬相如傳歷駭焱顏注焱
謂疾風從下而上也易林屯之坎朽根倒樹花葉落去卒
逢火焱隨風偃仆江表傳焱人所焚前無生寇思元賦乘
焱忽兮馳虛無桓麟七說焱風激其崖李尤七款高風焱
厲魏都賦丹墀臨焱釋天扶搖謂之焱李巡曰扶搖暴風
從下升上故曰焱焱上也陳啟源曰焱从下而上頽从上
而下是李巡孫炎之說而郭璞因之曰據爾雅正文未見
其必然也扶搖謂之焱即南華之扶搖信从下而上矣焚
輪謂之頽焚取象於火火乃炎上之物安得自上而下乎
陸農師曰風之銳而上者為焱風之旋而上者為頽莊子

日搏扶搖羊角而上者九萬里扶搖即焱是也羊角即頽是也今羊角旋轉而上如欲焚輪之象也案莊子釋文引司馬彪云風上行謂之扶搖風曲上行若羊角然謂之羊角陸義應本此合之爾雅則上行如焚旋轉如輪名義允協可證景純之誤又通作飄詩何人斯其為飄風傳云飄風暴起之風釋文飄避搖反疾風也老子故飄風不崇朝韓詩外傳國無道則飄風厲疾說苑飄風暴雨須臾而畢傅元詩飛蓬隨飄起

飊 飊或從包

一切經音義二十二飊又作飊同 後漢書班固傳風飊雷激又云飊飊紛紛注云說文曰飊古飊字

回風 回風也從風與聲 撫招切

回風也者釋天迴風為飄郭注旋風也詩匪風飄兮傳云迴風為飄卷阿飄風自南傳云飄風迴風也楚詞九歌合飄風兮先驅注云迴風為飄九章悲迴風之搖蕙兮注云迴風謂之飄風長門賦飄風迴而赴閨兮魏志管輅傳有飄風高三尺餘幢幢回轉晉中興書泰寧元年五月大回風吹劉曜太廟瓦垣外數十步隋書蕭吉傳有迴風從良

地鬼門來或借飊曹植詩何意回飊舉五臣本文選曹顏遠思友人詩心與迴飊俱注云李善本作飄字又通作焱月令焱風暴雨總至注云迴風為焱釋文焱本又作飄

翔風 翔風也從風立聲 蘇合切

翔風也者李善注風賦引作風聲廣韻颯風聲楚辭風颯颯兮木蕭蕭江賦八風不翔春秋考異郵八風般生以節朝翔馥案翔亦回也禮三年問過其故鄉回翔焉考工記矢人後弱則翔注云翔回顧也通作拉羽獵賦焱拉雷厲李善注拉風聲也

高風 高風也從風矜聲 力求切

高風也者玉篇颯高風兒廣雅颯颯風也潘岳西征賦吐清風之颯戾通作矜莊子齊物論而獨不聞之矜矜乎釋文矜矜長風聲也李本作颯

疾風 疾風也從風忽忽亦聲 呼骨切

玉篇有古
文作翺

疾風也者玉篇颺與颺同廣雅颺風也通作忽思元賦乘
森忽兮馳虛無風賦飄忽溯洑忽亦聲者當為忽聲

𩇛

大風也從風𩇛聲王勿切

大風也者廣雅颺
風也廣韻颺風聲

𩇛

大風也從風日聲手筆切

大風也者庾闡海賦回颺決
滌江淹恨賦但聞悲風颺起

𩇛

風所飛揚也從風易聲與章切

風所飛揚也者颺揚聲相近風賦激颺
標怒晉書孫綽傳簸之颺之糠粃在前

𩇛

風雨暴疾也從風利聲讀若栗力質切

風雨暴疾也者暴當為瀑本書瀑疾雨也引詩終風且暴
玉篇颺颺暴風詩魚麗傳云不風不暴不行火正義云風

暴者謂氣寒其風疾通作
栗詩七月二之日栗烈

𩇛

烈風也從風𩇛聲讀若烈良辭切

烈風也者小字本作烈廣韻集韻同玉篇颺惡風也初學
記引風俗通猛風曰颺書舜典烈風雷雨弗迷正義云論
語稱孔子曰迅雷風烈必變書傳稱越裳之使久矣天之
無烈風淫雨則烈風是猛疾之風非善風也枚乘七發冬
則烈風漂霰風雪之所激也詩四月冬日烈烈箋云烈
烈猶栗烈也七月二之日栗烈釋文云說文作颺颺

文十三 重二

𩇛

虫也從虫而長象冤曲𩇛尾形上古艸居患𩇛故相

問無𩇛乎凡𩇛之屬皆從𩇛託何切

鄭注考工記云紆行𩇛屬抱朴子登涉篇或問隱居山澤
治蛇蝮之道曰昔員邱多大蛇又生好藥黃帝將登焉廣成
子教之佩雄黃而眾蛇皆去今帶武都黃色如雞冠者五兩
以入山林則不畏蛇蛇若中人以少許末抹之雄黃內瘡中
說文解字義登 卷四十三 七

立愈 寰宇記光州土地有毒蛇自夏至秋
水草中多此物傷害於人療蛇傷用反息草

無屯平者韓非五蠹篇上古之世人民少而禽獸衆不勝
禽獸蟲蛇有聖人作構木爲巢以避羣害藝文類聚引風

俗通無恙俗說疾也凡人相見及書問者曰無疾邪按上
古之時草居露宿恙噬人蟲也食人心凡相勞問者曰無

恙乎非爲疾也馥案神異經北方大荒中有獸咋人則疾
名曰獺獺也嘗入人室屋黃帝殺之人無

憂疾謂之無恙此應說所本非本書義



屯或從虫

文一 重一

舊也外骨內肉者也從屯龜頭與屯頭同天地之性

廣肩無雄龜鼈之類以屯爲雄象足甲尾之形凡龜

之屬皆從龜 居追切

淮南地形訓清水宜龜 南越志神龜出於江水中廬江郡

常獻生龜於大小 春秋運斗樞瑤光星散爲龜 白帖龜

介蟲之長水族之靈 嚴君平注老子云介者澤處而靈龜

主之 淮南時則訓其蟲介注云介甲也甲蟲龜爲之長

釋魚一曰神龜二曰靈龜三曰攝龜四曰寶龜五曰文龜六

曰筮龜七日山龜八曰澤龜九曰水龜十曰火龜 爾雅圖

贊天生神物十朋之龜或游於火或游於著雖云類殊象二

一歸壘壘致用極數盡幾 李顯龜賦質應離象位定坎居

楚語龜足以憲臧否則寶之注云憲法也取善惡之法

禮統神龜之象上員法天下方法地背上盤法邱山元文

交錯以成列宿五光昭若元錦文運轉應四時長尺二寸明

吉凶不言而信 洛書靈龜者元文五色神靈之精也上隆

法天下平法地能見存凶明於吉凶王者無偏黨尊者老則

出 說苑辯物篇靈龜文五色似玉似金背陰向陽上隆象

天下平法地能見存凶明於吉凶王者無偏黨尊者老則

蛇頭龍翅左精象日右精象月千歲之化下氣上通能知吉

凶存凶之變寧則信信如也動則著矣 柳隆龜經龜有五

色依時用之青靈之龜春宜用之西坐東向赤靈之龜夏宜

用之北坐南向 史記龜策傳龜千歲乃游蓮葉之上江旁

人家常畜龜飲會之以爲能導引致氣有益於助衰養老

抱朴子對俗篇千歲之龜五色具焉其額上兩骨起似角解人之言浮於蓮葉之上或在叢著之下曹植神龜賦赴芳蓮以巢居北齊趙儒宗詠龜詩不能著下伏強從蓮上游逸禮龜三千歲游於卷目之上

舊也者龜舊聲相近本書龜從龜龜從龜廣韻龜居求切漢書地理志龜茲應劭音邱詩抑箋舊久也書大誥爾惟舊人傳云久老之人漢官儀老者久也舊也書無逸舊為小人史記作久書又云時舊勞于外鄭注舊猶久也隋書王劭傳龜亦久固逸禮龜者陰蟲之老也老者先知故君子舉事必考之白虎通著龜篇龜之為言久也又云著龜者天地間之壽考物也洪範龜筮共違于人五行傳云龜之言久也千歲而靈此禽獸草木之久而能知吉凶者也博物志龜著以老故知吉凶割向易繫辭義云著之言者龜之言久龜千歲而靈著百年而神以其長久故能辨吉凶也論衡小筮篇子路問孔子曰豬肩羊膊可以得兆菴葦菴菴可以得數何必以著龜孔子曰不然蓋取其名也夫著之為言者也龜之為言舊也明狐疑之事當問者舊也外骨內肉者也者考工記梓人為筍虞外骨注云外骨龜屬易說卦離為龜正義云取剛在外也風土記龜田表肉裏陽內陰外之形龜頭與它頭同者說苑辨物篇

龜蛇頭龍翅 天地之性廣肩無雄龜鼈之類以它為雄者列子天瑞篇純雌其名大翳注云司馬彪曰大翳龜鼈之類也博物志大翳無雄龜鼈類也無雄與蛇通氣則孕續古今注龜鼈之類無雄思元賦舊注龜與蛇交曰元武埤雅廣肩無雄與蛇為匹故龜與蛇合謂之元武爾雅翼大翳純雌故龜與蛇為牝牝龜之性如或遇雌蛇相趁鬪噬力小者或至繁

古文龜

莊君述祖曰逸周書嘗麥篇宰乃承王中升自客階又云作筴執筴從中又云宰坐尊中案三中字並當作與王中謂玉



龜名從龜聿聲聿古文終字

徒冬切

龜名者字書龜龜名趙宦光曰龜無聲龜有聲山龜也龜入水即溺其鳴自嘒亦似悲角可以遠聞鳴則多旱其腹甲中折與背相闔闔力能掩蛇併夾蛇龜

龜

龜甲邊也從龜林聲天子巨龜尺有二寸諸侯尺大

夫八寸士六寸汝閭切

龜甲邊也者邊緣也郭璞注爾雅云涪陵郡出大龜緣中
文似瑋瑋定八年公羊傳龜青純注云謂緣甲頤也干歲
之龜青頤明于吉凶禮雜記其轄有挾注云轄載柩將殯
之車飾也挾謂鼈甲邊緣緇布裳帷圍棺者也天子巨
龜云云者巨當為距漢書食貨志元龜距冉長尺二寸孟
康曰冉龜甲緣也距至也度背兩邊緣尺二寸也通作巨
論衡狀畱篇龜生三千歲青邊緣巨尺二寸白虎通著龜
篇引禮三正記天子龜長一尺二寸諸侯一尺大夫八寸
士六寸逸禮天子龜尺二寸諸侯八寸大夫六寸士民四
寸書禹貢荊州九江納錫大龜傳云尺二寸曰大龜出九
江水中史記龜策傳神龜出於江水中廬江郡常歲時生
龜長尺二寸者二十枚輸太卜官又云龜千歲乃滿尺二
寸書西伯戡黎格人元龜鄭注大龜也長尺二寸金縢今
我卽命于元龜馬注元龜大龜也長尺二寸詩泮水元龜
象齒傳云元龜尺二寸禮統神
龜長尺二寸明吉凶不言而信

文三 重一

龜

龜也從屯象形龜頭與屯頭同凡龜之屬皆從龜

莫杏切

龜也者玉篇龜蝦蟇屬似青蛙而大腹廣雅龜蝦蟇長股
也爾雅釋魚在水者龜郭注耿電也似青蛙大腹一名土
鳴周禮蠃氏掌去龜電鄭注齊魯之間謂龜為蠃電耿電
也又注考工記云脰鳴龜電屬北山經洧水其中有鱓電
郭注鱓電似
鰕蟆小而青

龜

籀文龜

其股

龜

甲蟲也從龜敝聲

并別切

文子上德篇鼈無目而目不可以蔽精於明也陸機鼈賦
鼻嘗氣而忌脂目無聽而受響西陽雜俎鼈無目為守神

蛙蝦蟃屬也急就篇水蟲科斗蠹蝦蟆顏注蠹一名蠹蟻
色青小形而長股荀子正論篇坎井之蠹注云蠹蝦蟆類
也漢書武帝紀蠹蝦蟆顏注蠹也似蝦蟆而長腳其
色青東方朔傳水多蠹魚顏注蠹即蛙字也似蝦蟆而小
長腳蓋人亦取倉之

𧈧

先蠹詹諸也其鳴詹諸其皮蠹蠹其行先先從龜從

先先亦聲

七宿切

一切經音義十二蚱蟻字書云淮南名去父也即蟾蟾也又引郭璞曰蝦蟆類居陸地也

先蠹詹諸也其鳴詹諸其皮蠹蠹其行先先者本書蚶蠹
詹諸以脰鳴者戴君震曰詩新臺三章傳感施不能仰者
箋云感施面柔下人以色故不能仰也案傳本國語箋本
爾雅然未詳感施所由名說文引詩作得此蠹蠹蠹七宿
切蠹式支切又名蠹蠹蠹力竹切說文誤併蠹與蠹為一
字竝讀七宿切於蠹字下云先當作蠹蠹當作蠹詹諸也
詹諸即蟾蟾其鳴詹諸其皮蠹蠹當作蠹蠹其行先先當
作蠹蠹於蠹字下云蠹蠹詹諸也言其行蠹蠹蠹蠹之蠹

說文但用先今爾雅轉寫譌作蠹釋魚篇云蠹蠹詹諸陸
氏釋文蠹起據反蠹音秋竝非也蠹蠹古字通用感施感
當讀七宿切以其皮感感其行施施故名詹諸為物狀卑
俛故不可使仰之疾似之本物名因以為疾名又因疾名
而為面柔之名馥謂其行行字誤蠹下云其行蠹蠹不應
復言其行先先按去菌先詹諸之形相似當云其形先先
李巡注爾雅蟾諸蝦蟆也樊光注科斗蟾諸子也王應麟
王會補注引尚書大傳濟中瞻諸鄭注瞻諸蠹也後漢
書張衡傳下有蟾蜍張口承之注云
蟾蜍蝦蟆也先亦聲者當為先聲

𧈧

蠹或從酉

蠹或從酉者此誤以為蠹之
或體當云蠹蠹也從龜酉聲

𧈧

蠹蠹詹諸也詩曰得此蠹蠹言其行蠹蠹從龜爾聲

式支切

蠹蠹詹諸也者廣韻蠹蠹蟾蜍別名尚書大傳濟中詹諸
注云詹諸蠹蠹也文子上德篇蟾諸碎兵壽盡五月之望

說文解字義登

卷四十三

三

詩曰得此醜醜者邶風新臺文彼作或施薛君韓詩章句或施蟾蜍喻醜惡也言其行醜醜者孟子施施從外來

單 水蟲似蜥易長大從龜單聲徒何切

陳藏器本草鼉長一丈者能吐氣成霧致雨力至猛能攻陷江岸性嗜睡恆閉目形如龍大長者自嚙其尾極難舂甚可畏人於穴中掘之百人掘亦須百人牽一人掘亦須一人牽不然終不可出梁周興嗣常食其肉後為鼉所噴便為惡瘡此物靈強不可食晉安海物記鼉宵鳴如桴鼓江淮間謂之鼉更以其夜鳴也元和郡縣志縣谷縣穿山有山空鼉伏於空處皮可為甲刀箭不能入唐書鄧景山傳有鼉集城門鄧班曰鼉介物也其有兵乎

水蟲似蜥易者三蒼鼉似蛟而大山海經江水多鼉注云似蜥蜴大者長二丈有鱗彩皮可以冒鼓漢書司馬相如傳其中則有神龜蛟鼉張指曰鼉似蜥蜴而大身有甲皮可作鼓詩靈臺鼉鼓逢逢傳云鼉魚屬陸璣疏云鼉形似蜥蜴四足長丈餘生卵大如鵝卵甲如鎧甲今合藥鼉魚甲是也其皮堅厚可以冒鼓馥案本書鱗皮可為鼓長

大者類篇引作長丈御覽引作長丈所廣韻引作似蜥蜴而長大大字既誤又加而字單聲者詩單單駱馬本書引作疹疹釋从單聲音丁可切

龜 水蟲也歲貉之民會之從龜奚聲胡雞切

水蟲也歲貉之民會之者集韻龜龜龜類似蜘蛛出遼東土人會之馥案寰宇記所稱蝦蟆脂是也馥會會之

龜 龜屬頭有兩角出遼東從龜句聲其俱切

隋書流求國傳有龜龜嶼臨海有龜龜島

龜屬者臨海水土異物志龜碎似龜龐廣韻龜龜似龜而漫胡無指爪其甲有黑珠文如瑤瑁可飾物集韻龜龜水蟲名似龜皮有文

蠅 營營青蠅蟲之大腹者從龜從虫余陵切

張叔皮論積灰生蠅方言蠅東齊謂之羊陳楚之閒謂之蠅自關而西秦晉之閒謂之羊注云此亦語轉百今江東人

膏馥案廣韻鼃似鼃鼃生海邊沙中肉甚美多膏郭注
江賦鼃鼃與鼃鼃相似大如麋生乳海邊白沙中揚雄
說區鼃鼃名者玉篇鼃鼃名廣韻引蒼頡篇鼃鼃名
讀若朝者史記鼃錯漢書作朝錯杜林以為朝且者楚
辭九章甲之鼃吾以行王注鼃且也天問胡維嗜欲不同
味而悛鼃飽王注何特與衆人同嗜欲苟飽悛一朝之情
乎漢書嚴助傳鼃不及夕字或作鼃羽獵賦於是天子乃
以陽晁始出乎元宮李善云陽晁陽明之朝朝晁古字同
也

𩺰篆文從自

文十三

重五

𩺰

凡物無乳者卵生象形凡卵之屬皆從卵

盧管切

凡物無乳者卵生者莊子知北游故九竅者胎生八竅者
卵生淮南時則訓季冬之月雞呼卵高注雞呼鳴求卵魯
語鳥翼殼卵壹注未孚曰卵白帖鳥生於陰屬於陽故卵
之呂氏春秋本味篇流沙之西丹山之南有鳳之孔高注

孔古卵字也謂二
處有鳳皇之卵

𩺰

卵不孚也從卵段聲

徒玩切

卵不孚也者本書孚卵孚也玉篇不成子曰蝦嶺韻蝦卵
壞法言先知篇雌之不才其卵蝦矣注云蝦敗也淮南天
文訓戊子干甲子胎天卵蝦原道訓鳥卵不蝦高注卵不
成鳥曰蝦韓詩外傳卵之性為雛不得良雞覆伏孚育積
日累久則不成為雛字或作殽北史蕭寶夤傳謠言鸞生
十子九子殽一子不殽關中亂通作段管子五行篇然則
羽卵者不段

文二

